

# سرائیکی

بہاولپور

ہن تھی فریدا شاد دل      مونجھاں کوں نہ کر یاد دل  
جھوکاں تھیں آباد دل      لہا تھیں نہ وہی ہک منی

## قافلہ حجاز میں ایک حسین بھی نہیں

پیشکش - - - مختار احمد پیرزادہ

”حضور اقدس صلی اللہ علیہ وسلم کی محبت کا تقاضا ہے کہ جو جو انھیں محبوب تھا، ہم بھی انھیں چاہیں اور ان سے پیار کریں۔ اگر ہم ایسا محسوس نہیں کرتے تو خود حضور پاک سے ہماری محبت میں نقص ہے اور ہزار ہم محب رسول ہونے کا دعویٰ کریں اگر یہ کیفیت نہیں ہے تو یہ حب رسول محض ایک فریب نفس ہے۔“

(مولانا سید ابو بکر غزنوی)

حدیث شریف - - - حسن اور حسین جنت کے نوجوانوں کے سردار ہیں (ترمذی)

”حضرت امام حسینؑ تاریخ انسانیت کے ماتھے کا وہ جھومر ہیں جو آنے والی نسلوں کے لیے مشعل نور بن کر چمکتا ہے اور نسل انسانی حق و صداقت کی راہوں پر چلتی ہے۔ امام عالی مقام نے اپنی ایمانی قوت سے باطل کی دیواروں کو مسمار کر دیا اور قرآن کریم کی تعلیمات و نظریات کی تبلیغ و اشاعت میں جو رکاوٹیں پیدا کی جا رہی تھیں انھیں جان دے کر راستے سے ہٹا دیا اور اہل عالم کو بتا دیا کہ اسلام ملوکیت کا علمبردار یا حامی نہیں بلکہ سلطانی جمہور کا پیامبر اور محافظ ہے۔“

(کلیم اختر)

قافلہ حجاز میں ایک حسین بھی نہیں  
گرچہ ہے تابدار ابھی گیسوئے دجلہ و فرات



بیاد سید زبیر علی شاہ (مرحوم)

ماہی

# سراپکی

بہاولپور

ترجمان :- سرانیکی ادبی مجلس

شمارہ نمبر ۲۳

اپریل، مئی، جون ۱۹۹۵ء

جلد نمبر ۱

\* مشاورت \*

پروفیسر ڈاکٹر اسلم ادیب

ڈاکٹر نصر اللہ خاں ناصر

\* ادارت \*

سید دین محمد شاہ

نواز کاوش

محمد سلیم شہزاد

\* سرکولیشن مینجر \*

اجمل ملک

\* مشیر قانون \*

عبدالقیوم اعوان

مقام اشاعت :- جھوک سرانیکی بہاولپور

قیمت فی پرچہ ۵ روپے  
سالانہ ۶۰ روپے

# تذیر

سورة البقرہ \ ترجمہ ... سید دین محمد شاہ  
نعت شریف \ سلطان قادری (لودھراں)  
گالہ مہار \ سید دین محمد شاہ  
حضرت خواجہ نور محمد مہاروی محبوب رب العالمین \ مختار احمد پیرزادہ  
کلام فرید (کافی) \ ترجمہ ... مولوی عزیز الرحمن مرحوم  
پاکستان دا محسن -- اساذ صادق دوست \ مدوین، ابن حسن  
تکلف برطرف (اردو) \ سید دین محمد شاہ  
پیغام \ بدرالاسلام  
علامہ اقبال تے اوندی فارسی شاعری \ محمد نواز انیس پیرزادہ  
سئیں شوکت ہاشمی دی نظم دا ویورا \ ڈاکٹر نصر اللہ خاں ناصر  
غزل \ صاحبزادہ ریاض رحمانی  
سرائیکی غزل دا نمائندہ شاعر -- ریاض رحمانی \ محمد اسلم میٹلا  
لکھ یا ترا \ صابر چشتی  
ساول \ ارشاد متین  
کچھ گالھیں شاعری بارے \ ارشاد تونسوی  
خواجہ غلام فرید \ شفیق الماس (لودھراں)  
سیت دے رودھے \ عبدالباسط بھٹی  
محمد بخش نوروز دی شاعری \ فدائے اطہر

SARAIKI

سید دین محمد شاہ ایڈیٹر و پبلشر نے جھوک سرائیکی بہاولپور سے شائع کیا



بسم الله الرحمن الرحيم

## البقرہ

## The Cow

الذین ینقضون عہد اللہ من بعد میثاقہ ویقطعون ما امر اللہ بہ ان یوصل و  
یفسدون فی الارض۔ اولئک ہم الخسرون ۵ (۲۷)

Who break the covenant of Allah  
after its confirmation and cut  
asunder what Allah has ordered to  
be joined, and make mischief in  
the land, these it is that, are the  
losers.

جیڑھے اللہ نال پکا اقرار کرن دے بعد پھر  
ویندن اتے جیڑھے کم (رشتہ قرابت) دے  
جرمے رکھن دا اللہ نے حکم ڈتے اوندی پرداہ  
نی کریندے، اتے زمین تے فساد کریندن،  
اوہے لوک نقصان چھین۔





## نعت شریف

سلطان قادری (لودھراں)

اساں کوں ہے بس تیڑے در دا سہارا  
جھٹھاں تیڈی رحمت دا بھریا خزانہ

تیڈے در تے آگئی میں بن تے سوالی

مراں تیڈے در دی زیارت میں کرتے

تیکوں پچھ تے سورج وی لہندے تے  
چڑھدے

ہے اعلیٰ تے ارفع تیڈی شان سوہنا  
اسا کوں ہے بس تیڈے در دا سہارا

مدنی مٹھا سوہنا عربی دلارا  
ایہا شوق دل وچ ڈیکھاں مدینہ  
رب تیڈا ماہی توں رب دا ہیں پیارا  
توں محبوب رب دا تیڈی شان اعلیٰ  
تیڈے کیتے ڈول جگ ایہ بنیا ہے سارا  
ہک وار سڈگن میکوں اپنے در تے  
بدل ونجے میڈی وی قسمت دا تارا  
تیڈیاں خود صلاتاں خدا یٹھا پڑھدے

چن وی نیندا ہے تیڈا اشارا  
ازل توں ابد تک توں سلطان سوہنا  
تیڈے بلجھ کہیں دا نی تھیندا گزارا



## گالھ مہاڑ

= = = = = 0 = = = = =

سید دین محمد شاہ

چھوٹے لا اسان شیدن کھیڈ دے ہاے۔ زمین تے ست خانے بناتے ہک پھکری گول چا کیتی، شیدن بن گئی۔ ہک جتگھ تے ٹپن والی ایس کھیڈ وچ پھل، ڈوچھ، تریکھ دے برابر خانے تے اوندے بعد، نانی۔ نانی دا خانہ اتنا چھوٹا ہوندا ہا جو شیدن مشکل نال ویندی ہئی۔ لکیر تے شیدن آونجے تاں واری ختم۔ جے شیدن ٹھیک پے وی ونجے تا پیر نال کڈھن مشکل۔ اونوے وی شیدن نانی وچ چلی ونجے تاں واری گل پل۔ ہس گالھوں اکھیندے ہاے، نانی ہل ہل دے پکوڑے کھولسی، ..... اوندے بعد ٹاپو، گھڑا گھڑاپو، تے ول دولن دریا ٹپناں پوندا ہا۔

اساڈے زمانے دے بعد وقت بدلایا تاں شیدن دے خانے وی بدل گئے۔ اوندے بول وی بدل گئے۔ سدھے سدھے خانیاں دی جاتے اڑنگ، بونگ خانے آگئے۔ نانی دے ہل ہل پکوڑیاں دی بجائے، آئی ایم نو، (I am no) آگیا۔ سپہ نی جو آکھن والے یا آکھن والی دا مطلب کیا ہوندے تے سمجھن والے کیا سمجھن۔ پراپو یں معلوم تھیندے جو بحیثیت صدر، سرائیکی ادبی مجلس، تے بحیثیت مدیر سہ ماہی "سرائیکی" اسان I am no کر ڈتے گئے ہیں۔

ہک ڈاکٹر صاحب دا اکھن ہے جو اے مدیر، اروپے مہینہ چندہ رکنیت پریس کلب کیوں گھندے؟

مدیر این رعایت دا مستحق نہیں۔ ایندے اتے ایہو احسان تھوڑا ہے جو اساں اکیوں، مدیر، بناڈے۔  
ایں شخص دی شہر وچ ساری ٹور اساڈے ہیں اعزاز دے طفیلیوں اے!

چھوٹے ڈاکٹر صاحب نے صدر دی تحریری جواب طلبی ایں کیتی۔۔۔

۱۔ اخبارات کے بل سمجھ سے بالاتر ہیں کہ آخر ان کی دفتر کو کیا ضرورت ہے۔ اور اگر یہ گھر کا بل ہے تو دفتر اسے کیوں ادا کرے۔

۲۔ ٹیلی فون کے بل ہر ماہ کس سلسلے میں آرہے ہیں۔ اور اگر دفتری کالوں کے لیے ہے تو کس کی منظوری سے ایسا ہو رہا ہے؟

نہ تاں وڈا ڈاکدار تے نہ چھوٹا ڈاکدار اے اعتراض فریہندے جو مجلس دی آمدنی ہک ہزار روپیہ سالانہ ہوندی ہئی۔ اے "کس کی منظوری سے" ہک لکھ روپیہ سالانہ کراڈتی گئی ہے؟ جھوک دیاں پکیاں کندھاں ہن، سراں دے بوٹے۔۔۔۔۔ کتے روڑدے ہن۔ ڈوجھے ترتجھے مہینے ہک ڈیہنوار دفتر دار کھلدا ہا۔ اے "کس کی منظوری سے" سبزہ تے شادابی آئی! معیاری کتاباں تے سہ ماہی رسالہ چھپدا پئے۔ دفتر روزانہ کھلدے..... جشن منیندے پنن۔ وزراء، کشنر ہوراں تے دانشوراں دی تواضع تھیندی اے۔ مجلس دا وقار اچا تھئے۔

I am no سہی پر معمولی چھنڈک پھوک نال مجلس کوں اساں اسلام آباد، لاہور، کراچی، کوئٹہ تے سارے وسیب وچ نیک نامی نال متعارف کرڈتے۔ "کس کی منظوری سے ایسا ہو رہا ہے!" پریس کلب دا چنڈہ، ٹیلی فون بل تے اخبار دی شکل وچ دفتری مراعات اوں صدر تے مدیر کیتے جیڑھا مکرکی وی کرے تے چپراس گیری وی، سب ملاتے ۳۰۰ روپیہ ماہانہ دے برابر اعزازیہ ناقابل برداشت ہے! نومبر ۹۵ء انتخابات دا مہینہ ہے۔ ڈیکھ گھنسون گاہے کیویں بل وہندن!



# حضرت خواجہ نور محمد مہاروی محبوب رب العالمین

مختار احمد پیرزادہ

جتنے رسالے تے کتاباں لکھن والے مختاں کرتے چھویندے ہن تے اہناں رسالاں تے کتاباں دی ہک تاریخ مرتب تھی ویندی ہے۔ اہناں تحریراں کونوں ہر آون والے زمانے دا علم دا ذوق شوق رکھن والا بندہ فائدہ حاصل کریندا ہے۔ تے ایس طریقے دے نال ہک علم دے ڈیوے وچوں بیا علم دا ڈیوا بلدا رہندا ہے۔ ہن علم دے سوچھلے کون دا نشور ادب آہدے ہن۔

ادب دی تعریف کیا ہے؟ اساں تاں اپنیں آقا حضرت محمد رسول اللہ صلی اللہ علیہ وسلم دے فرمان ذیشان کون جانندے ہن۔ حضور پاک نے فرمایا:

الہم انی اعوذ بک من علم لا ینفع

”اے اللہ میں اوں علم کونوں تیڈی پناہ منگدا ہاں جیڑھا علم نفع نہ ڈیوے۔“

علم کونوں نفع دی مراد انسان دی چنگائی، اوندے اخلاق کون سنوارا اور اللہ دے احکامات دے مطابق زندگی گزارا ہے۔ نفع کونوں دنیا دی حرص تے اخلاق خراب تھیون دے طریقے ہنیں۔

عقل حکمت سے ہو بے بہرہ تو آشوب و فساد

علم اخلاق سے عاری ہو تو آزار و سزا

ایں حقیقت کون دلوں تسلیم کر گھن دے بعد علم تے ادب دا پیاسا سلاف سالفین دی زندگی

دے حالات، معمولات، فرمودات کو تلاش کرادی طرف رجوع کریندا ہے۔

اساں ارج اپنیں علم دی پیاس کوں بھجاوون واسطے بہاولپور دی علم و ادب دے نال مہکدی ہوں  
سرزمین دی اوں شخصیت دی طرف رجوع کریندے ہیں جنہاں دا برکت والا ناں "نور محمد مہاروی" ہا۔  
آپ حضرت رحمۃ اللہ علیہ بہاولپور دے تے پنجاب دے بہنہ سارے ولی اللہ کرام دے سردار ہن۔ آپ  
کوں حضرت مولانا فخرالدین دہلوی دے خلیفہ اعظم ہوا دا شرف حاصل ہا۔ آپ دے معرفت دے  
درجات شانناں والے ہن۔ سارے ولی اللہ کرام نے آپ کوں قبلہ عالم دا لقب ڈے تے انہاں دی  
عظمت کوں مناں۔ آپ دا دربار عالیہ چشتیاں منڈی دے شمال وچ پرانی چشتیاں دے وچ جلوہ افروز  
ہے۔ آپ دا عرس ہر سال یکم ذوالحجہ شریف کوں ترے ذوالحجہ تک تھیندا ہے۔ ایس عرس مبارک وچ  
اللہ دے بہنہ نیک بندے شرکت کریندے ہن تے حضرت قبلہ عالم دی روحانی فیوض و برکات کوں  
فیض یاب تھیندے ہیں۔ حفظ قرآن پاک دے بعد خواجہ نور محمد مہاروی نے مختلف مقامات دا سفر کر  
تے دینی علوم حاصل کیتے۔ علم حاصل کرا دے واسطے آپ ڈیرہ غازی خاں، لاہور تے وت دہلی وچ پہنچے

آپ دینی علوم حاصل کرا دے نال نال مرشد کامل دی سیک وچ بہنہ بے چین رہندے ہن۔  
محبوب دے نال ملاقات دا ویلا جیویں جیویں قریب آندا گیا آپ دے دل دی تڑپ ودھدی گئی۔۔۔

وعدہ وصل چوں رسد نزدیک  
آتش شوق تیز تر گردد

روحانی کشش دی حکمت ارج دے مادی دور وچ کوں سمجھ سکدا ہے۔ خواجہ نور محمد رحمۃ اللہ علیہ دی طلب  
صادق نے محبوب کو ملوا ڈتا۔ حضرت مولانا فخرالدین اورنگ آباد توں سفر اختیار کرتے دہلی آگئے تے فخر  
جہاں سائیں نے نور محمد کوں قبلہ عالم بنا ڈتا۔

حضرت خواجہ نور محمد مہاروی دے ہک خادم نے عرض کیتا، "میں ہک خواب ڈٹھا ہے اوندی

تعبیرتاں فرماؤ! آپ نے ایہ شعر پڑھا:

نہ شبم نہ شب پرستم کہ حدیث خواب گویم  
چہ غلام آفتابم ہمہ ز آفتاب گویم



ترجمہ --- میں نہ رات ہاں تے نہ میں رات دا پرستار ہاں - نہ میں خواباں دیاں گالھیں کریددا ودا ہاں -  
 میں تاں عالم معرفت دے آفتاب دا غلام ہاں - ہیں واسطے آفتاب دیاں گالھیں کریددا ہاں -  
 آپ دا وصال ۳ ذی الحجہ ۱۲۰۵ھ کوں تھیا - حضرت خواجہ خدا بخش رحمۃ اللہ علیہ خیرپوری ثم  
 ملتان نے آپ دی نماز جنازہ پڑھائی -

نواب غازی الدین حاں نے تاریخ وفات لکھی ---  
 حیف واویلا جہاں بے نور گشت

-----  
 ۱۲۰۵ھ

حضرت خواجہ نور محمد مہاروی دے اعلیٰ نسب خاندان وچ حضرت خواجہ امام بخش مہاروی بہنہ  
 عالم تے فاضل بزرگ گزرے ہن - حضرت خواجہ امام بخش نے علم دا فیض پھیلایا - انہاں نے پنج  
 کتاباں لکھیاں - علم دا ذوق رکھن والے اج وی انہاں کتاباں کوں پڑھ تے بہنہ فیض حاصل کر سگدے  
 ہیں ---

۲ - مخزن چشت  
 ۳ - پنج گنج

۱ - گلشن اسرار

۳ - مکتوبات

۵ - دیوان عاجز



چودھری عبدالمجید

سابق ایم پی اے و سابق میئر بہاولپور  
 کی طرف سے جشن فرید کے موقع پر

سرائیکی ادبی مجلس

کوگرانقدر عطیہ سے نوازنے پر جملہ اراکین سرائیکی ادبی مجلس ان  
 کا شکریہ ادا کرتے ہیں - (ادارہ)

کلام فرید (کافی)

ترجمہ: علامہ محمد عزیز الرحمن مرحوم

پیشکش: سید دین محمد شاہ

سرائیکی

اردو

تیڈے نیناں تیر چلایا  
تیریاں رمزاں شور مچایا  
(اے محبوب) تیری آنکھوں نے تیر چلائے اور  
تیرے اشاروں نے شور برپا کر دیا۔

.....\*

المست ہزار مرایا  
لکھ عاشق مار گنویا  
ہزاروں مست اور لاکھوں عاشق مر کر  
گنوا دئے۔

.....\*

ابراہیم اڑاہ اڑایو  
بار برہوں سر چایا  
ابراہیم علیہ السلام نے تیری محبت کا  
جو بوجھ سر پر اٹھایا تو تو نے اسے (نمرود کی) آگ میں  
جھونک دیا۔

.....\*

صابر دے تن کیڑے نکھے  
موسیٰ طور جلایا  
صابر ایوب علیہ السلام کے بدن میں کیڑے  
ڈال دئے اور حضرت موسیٰ علیہ السلام کو (جلوے کی  
خاطر) طور کی طرف لے گیا اور وہ پہاڑ جلا دیا

.....\*

زکریا کلوتر پراپو  
یحییٰ کھوٹ کوحایا  
حضرت زکریا علیہ السلام کو تو نے آرے  
سے چرا دیا اور حضرت یحییٰ علیہ السلام کو عروسی شباب  
میں قتل لرا دیا۔



.....\*.....  
 حضرت یونس علیہ السلام کو مچھلی کے  
 پیٹ میں ڈالا اور نوح علیہ السلام کو طوفان کی آزمائش  
 میں ڈالا۔

یونس  
 نوح  
 پیٹ  
 مچھلی  
 دے  
 پایو  
 طوفان  
 لڑھایا

.....\*.....  
 امام حسن رضی اللہ تعالیٰ عنہ  
 کو مدینے میں زہر کا پیالہ پلایا گیا۔

ناہ  
 ہر  
 حسن  
 کون  
 شہر  
 مدینے  
 دا  
 جام  
 پلایا

.....\*.....  
 کربلا میں تلوار چلا کر ایک بہت بڑا  
 حادثہ برپا کرایا گیا

ر بلا  
 یڈا  
 وچ  
 تیخ  
 چلایا  
 کرایا

.....\*.....  
 شمس الحق کی چڑی اتر دئی گئی  
 اور سرد شہید کا سر کاٹا گیا

شمس  
 سرد  
 الحق  
 دی  
 کھل  
 ہوا یو  
 سر  
 کپوایا

.....\*.....  
 حسین بن منصور حلاج کو دار پر  
 چڑھا کر مستی کا سوانگ رچایا گیا۔

ناہ  
 سستی  
 منصور  
 چڑھایو  
 سولی  
 رسایا

.....\*.....  
 مجنوں کی خاطر لیلیٰ کے بھیس میں  
 سو سو طرح کے ناز دکھائے۔

مجنوں  
 سو  
 کارن  
 لیلیٰ  
 ہو  
 کر  
 سو  
 ناز  
 دکھایا

.....\*.....  
 خسرو اور فرہاد کی خاطر  
 شیریں نے اپنا نام رکھا لیا۔

خسرو  
 شیریں  
 تے  
 فرہاد  
 دی  
 خاطر  
 نام  
 دھرایا

.....\*.....۱۲

درد دا بار اٹھایا ہر ہک ہر ایک نے درد (محبت) کا بوجھ  
اپنا وقت نبھایا اٹھا کر اپنا وقت کاٹا (بسر کیا)

.....\*.....

کر قربان فرید سر اپنا اے فرید تو اپنا سر قربان کر  
تیدھا دارا آیا (کیونکہ) اب تیری ہی باری ہے۔

.....\*.....



!

محکمہ اطلاعات و ثقافت

دے تعاون دا

بہنہ بہنہ شکریہ

سرائیکی ادبی مجلس - بہاولپور

## پاکستان دامحسن --- اساذصادق دوست

تدوین --- ابن حسن

اعلیٰ حضرت صادق محمد خاں عباسی ۲۴ مئی کوں اللہ کوں پیارے تھی گئے ہا۔ مرحوم نواب صادق محمد خاں سابق ریاست بہاولپور وچ وسن والی تمام رعیت دے برابر دے تے سچے دوست تے غمخوار ہن۔ اعلیٰ حضرت دی برسی دے موقعے تے بہاولپور دی علمی ادبی اور صحافتی عظمتاں تے شانناں دے امین علامہ منظور احمد رحمت مدیر ہفت روزہ "مدینہ" نے اعلیٰ حضرت دی یاد وچ جو کچھ لکھا ہے او سونے دے حرفاں نال تارتخ وچ لکھا ویسی۔۔۔

"اے صادق محمد عباسی! تیڈا ناں تیڈی بادشاہی دازمانہ، تیڈیاں قربانیاں، تیڈے وڈیاں شانناں والے کارنامے، تیڈی عوام نال پکی دوستی، تیڈا رعیت دے نال خلوص تے سب توں آخر وچ تیڈی پاکستان دے نال وفا، محبت ہمیشہ تارتخ دا حصہ رہی۔"

(ہفت روزہ "مدینہ" ۲۴ جولائی ۱۹۹۵ء، سرائیکی ترجمہ)

آؤ ہن اعلیٰ حضرت دی اپنی آواز وچ سٹوں۔ جہاں لوکاں دے دلاں وچ ارج وی صادق دوست دی محبت موجود ہے او اعلیٰ حضرت دی آواز کوں ہواواں وچ فضاواں وچ گونجدا ہو یا ارج وی سن گھنسن

## اعلیٰ حضرت دا ۳۰ اکتوبر ۱۹۵۵ء خطاب

"اگر میڈے دور حکومت وچ تساں لوکاں کوں کوئی تکلیف تھی ہووے تاں تساں میکوں معاف کر ڈوائے۔ میں اللہ کونوں وی معافی دا خواستگار ہاں۔

تساں لوکاں کونوں میڈی محبت دا مطالبہ اے ہے جیڑی وفاداری نال تساں میڈی اطاعت کیتی ہے ہوں وفاداری تے عقیدت نال حکومت پاکستان دی اطاعت کرائے۔ ہن اساں ہک قوم ہیں اور



اساڈے سارے فائدے سانجھے ہن۔

علامہ رحمت اللہ ارشد --- ۲۹ ستمبر ۱۹۶۹ء --- انٹرویو چٹان

بہاولپور کوں مغربی پاکستان وچ شامل (ضم) کریندے ویلے صادق محمد خاں عباسی مرحوم دی قربانی دی کہانی --- "وزیر اعظم محمد علی بوگرہ دے کمرے وچ تمام والیان ریاست، گورنر جنرل غلام محمد ملک اور ارکان کابینہ موجود ہاں۔ میں (نواب صاحب) نے صرف اتنا آکھا، ریاست دے ترھی لکھ عوام میڈے زر خرید غلام نہیں ہن۔ میں انہاں دا امین تے کسٹوڈین ہاں۔ اگر تساں میکوں ایں گالھ دا یقین ڈواؤ کہ تساں میں کونوں زیادہ بہتر کسٹوڈین ثابت تھیں تان میں ایں امانت کونوں دستبردار تھیں واسطے تیار ہاں۔"

محمد علی بوگرہ دا جواب

"یورپائی نس اسان نہ صرف بہتر امین ثابت تھیں بلکہ بہاولپور دے عوام نال اسان ترجیحی سلوک وی کریوں۔"

(تحقیق محمد عبد المجید پیرزادہ مرحوم - چیف ایڈیٹر ماہنامہ "گامزن" - بہاولپور --- مضمون بہاولپور کی محرومیوں کی افسوسناک داستان --- مارچ ۱۹۹۱ء)

ہک سوال ؟

اساڈے صادق دوست نال جیڑھا وعدہ کیا گیا ہا کیا او وعدہ پورا کیا گیا ہے ؟ اعلیٰ حضرت صادق

دوست سائیں بہاولپور دا کوئی والی وارث نہیں رہ گیا۔

صادق دوست سائیں دی مونجھی مونجھی اواز آندی ہے۔۔

چن کو اس لیے مالی نے خون سے سینچا تھا  
کہ اس کی اپنی نگاہیں بہار کو ترسیں

(شعر۔۔ امیر شریعت سید عطاء اللہ شاہ بخاری)



\*

مینجنگ ڈائریکٹر

چولستان ڈیولپمنٹ اتھارٹی

میاں بشیر احمد

نے حشن فرید ۱۹۹۵ء کے موقع تے

خطیر عطیہ عنایت کیتا

اساں انہاں دے بہنہ شکر گزار ہیں

سرائیکی ادبی مجلس - بہاولپور

\*

## تکلف بر طرف

سید دین محمد شاہ

: \* : \* : \* : \* : \* : \* : \* : \* : \*

استاد صاحب سبق پڑھا رہے تھے۔ انہوں نے جماعت کو ”موسلا دھار“ کے آسان معنی سمجھائے۔ ”موسلا دھار کا مطلب ہے تیز تیز، یعنی رفتار سے“ اور پھر انہوں نے ایک ہوہنا رکے سے کہا، ”بیٹا اس لفظ کو اپنے جملے میں کس طرح استعمال کرو گے۔ شاباش، کوشش کرو۔“ طالب علم نے کچھ سوچ کر کہا ”میرا کتا بہت موسلا دھار دوڑتا ہے۔“

آہ، زندگی کی رفتار کتنی تیز جا رہی ہے؟ یہ رفتار شاید طالب علم کے کتے سے بھی زیادہ موسلا دھار ہو چکی ہے۔ آپ نے دیکھا نہیں کہ ٹماٹر کا بھاؤ سیب کے برابر ہو گیا ہے اس طرح دال نے گوشت کو مات دے دی ہے۔ ہم لاکھ کوشش کریں کہ وقت کے ساتھ چلیں مگر نہیں۔ ہم وقت کی گرد کو بھی نہیں پہنچ سکتے۔

وقت کی گرد تو نہیں ہوتی، مگر سوچنے کی بات یہ ہے کہ محاورے جنم کیسے لیتے ہیں؟ کوئی تیز رفتار چیز گزرے تو دھول تو اٹھتی ہے۔ اور تیز رفتار چیز کی دھول بھی تیز رفتار ہوتی ہے۔ واقعی ایسی دھول کو پہنچنا بہت مشکل ہے۔ ہوہنا طالب علم نے جس طرح لفظ کو جملے میں استعمال کر کے اس کا مفہوم سمجھایا ہم بھی اس محاورے کا استعمال یوں سمجھاتے ہیں کہ --- محترم صدر مملکت، جناب سردار فاروق احمد خاں لغاری صاحب ہر ماہ چوٹی



زیریں کا دورہ فرماتے ہیں۔ وہاں ان کے پہنچنے سے پہلے علاقے کی بہتر سے بہتر صفائی، بہتر سے بہتر مرمت ہو جاتی ہوگی۔ عوام کے اچھے کام سنور جاتے ہونگے۔ رہی سہی کسر کھلی ہکھری میں نکلتی ہوگی۔ مختلف وفود کی ملاقاتیں، مستحقین میں امدادی چیکوں کی تقسیم، کہیں مالکانہ حقوق۔۔۔۔۔ کارخانے، کالوں کے وجود میں آنے سے پہلے ان کے افتتاح، افتتاح سے پہلے سنگ بنیاد، سنگ بنیاد سے پہلے تالیاں، تالیوں سے پہلے دعائے خیر، اور دعائے خیر سے پہلے۔۔۔۔۔ خیر، چھوڑیئے۔

بات محاورے کی ہو رہی تھی کہ "گرد کو پہنچنا (یا نہ پہنچنا)۔" محاورے کا افتتاح کس نے کیا ہو گا؟ ہم بہت چھوٹے سے اور مختصر آدمی ہیں۔ ہم تو بس اتنا سمجھتے ہیں کہ بہاولپور کے عوام صدر صاحب کی گرد کو بھی نہیں پہنچ سکتے۔ حالانکہ انہیں بہاولپور میں بھی قدم رنجہ فرمانا چاہئے۔ ہم بھی "مستحقین" میں سے ہیں۔ یہاں معذور افراد بھی، ہر قسم، بکثرت دستیاب ہیں۔ مگر آج تک کسی کو اسلام آباد نہیں بلایا گیا۔ دس دس ہزار روپے کی چیکوں کی وصولی رد کرنے کی گستاخی کا ہمیں تصور تک نہیں۔ گلیاں بازار ہمارے ہاں بھی ٹوٹ پھوٹ کا شکار ہو سکتے ہیں۔ نئے کانچ نہ سہی، موجودہ کالوں میں "سرائیکی" مضمون کی تدریس شروع ہو جائے تو ہم موجودہ سرکار، سرکاری جماعت، جماعت کے جیالوں کے بال بچوں کو دعائیں دیں گے۔ ڈیرہ والے ہمارے "تل وطنی" ہیں، بھائی ہیں، ہمیں وہاں کی ترقی اور خوشحالی کا سن کر بہت خوشی ہوتی ہے۔ مگر یہ حقیقت اپنی جگہ پر ہے کہ ہم اپنے بھائیوں کی خوش بختی کی گرد کو بھی نہیں پہنچ سکتے۔

دوسروں پر اعتراض کرنے کی بجائے ہم اپنے گریبان میں کیوں نہ جھانکیں کہ گزشتہ سہ ماہی میں موسم بہار تھا، اور اس موسم میں ہمارے ہاں ۸۵ سے ہر سال "جشن بہاراں" منعقد ہوتا تھا۔ غریب کی جوانی کی طرح بہار بھی مختصر ہوتی ہے۔ پھر اس مختصر بہار کو بھی نظر لگ گئی۔ اس لئے ہمارے مہربانوں نے فیصلہ کیا کہ جشن بہاراں کی بجائے "جشن فرید" منایا جائے۔ ہم خدمت تو کر سکتے ہیں مگر ذہنی انتشار میں کام نہیں کر سکتے۔ جشن کے بارے میں جب نزاع کی صورت پیدا ہونے لگی، ہم ہی پیچھے ہٹ گئے تاکہ

ٹکراؤ اور کشیدگی کی وجہ سے مجلس کو کوئی نقصان نہ پہنچے۔

ہمیں بنیاد پرست سمجھ لیں یا دقیانوس، ہمیں بہار سے دلی لگاؤ ہے۔ موسم بہار سے ہماری وابستگی کا عالم یہ ہے کہ اگر کوئی ہم سے ہماری عمر کے بارے میں سوال کرتا ہے تو ہم کہتے ہیں، اماں، ہم نے ۰۰ بہاریں ہی تو دیکھی ہیں۔ بس ہماری اسی بات سے "مہربان" چمکتے ہیں۔ دراصل انہیں ڈر ہے کہ کہیں سنجری اپ نہ ہو جائے۔ ان کی سوچ یہ بھی ہے کہ آندھیاں اور سیلاب بھی تو ملک میں ہر سال آتے ہیں، اور باقاعدگی کے ساتھ، تو ہم اپنی عمر کی گنتی طوفانوں یا سیلابوں کے حوالے سے کیوں نہیں نلپتے۔ بات کچھ ہی ہو۔ ہم ضعیف ضرور ہیں، بے شک ہماری عمر کی الٹی گنتی Count Down شروع ہے۔ تاہم ہمیں کوئی بہار سے الگ نہیں کر سکتا۔ اس لئے ہم "جشن" سے الگ ہو جانے ہی میں عافیت سمجھتے ہیں۔ عزت سادات کا مسئلہ ہے!

جہاں عمر کا حوالہ آئے اور سیلاب کا ذکر بھی ہو تو حضرت نوح علیہ السلام ضرور یاد آتے ہیں۔ سنا ہے کہ حضرت نوح کے زمانے میں لوگوں کی عمریں بہت لمبی ہوتی تھیں۔ ایک اوسط درجے کا فرد ہزار برس تک کھینچ جاتا تھا۔ آپ یوں سمجھیں کہ آج کل کی طبعی عمر کے برابر تک تو حضرت نوح علیہ السلام کے جیالے نیل چوستے رہتے ہونگے۔

ان کے نیل سے ہمیں اپنا بچپن یاد آیا۔ اور یہ کوئی برائی نہیں۔ "بری بات" تو یہ ہے کہ ہمارے پاس اپنے بدخواہوں کے لئے بھی خیر خواہی کے سوا کچھ نہیں اور وہ ہماری اس کمزوری کو بھانپ گئے ہیں، اور کافی عرصہ سے

۔۔۔ کتواں سال اے، تے اہیو حال اے



گورنمنٹ آف دی پنجاب  
الفارمیشن، کلچر اینڈ یوتھ افیئرز

ڈیپارٹمنٹ

سیکریٹری

## پیغام

یہ جان کر بے انتہا مسرت ہوئی ہے کہ سرانیکی ادبی مجلس بہاول  
پور لسانی تفرقہ بازی یا علاقائی منافرت سے بالاتر، غیر سیاسی ادارے کی  
حیثیت سے ادب و ثقافت کی خدمت کر رہی ہے۔

ہر خطے کا اپنا حسب ہوتا ہے، اور وسیع سرانیکی خطے کی ہتدیب اور  
مزاج سے دیگر علاقوں کو متعارف کرانے کے لئے مجلس نے جس طرح ذمہ  
داری سنبھالی ہے وہ مبارکباد کی مستحق ہے۔ اسلامیہ یونیورسٹی بہاول پور  
سے ایم اے سرانیکی کورس کے اجراء اور لاہور ٹی وی اسٹیشن سے ہفتہ وار  
سرانیکی نشریات مجلس کی موثر کارکردگی کی اعلیٰ مثال ہے۔

یہ حقیقت ہے کہ علاقائی سطح پر مقامی زبان، ادب کے فروغ سے  
ملکی سطح پر قومی زبان و ادب کو تقویت ملتی ہے۔ قومی تصور کے اس نیک  
مقصد کے حصول کے لئے سید دین محمد شاہ، صدر سرانیکی ادبی مجلس کی  
مساعی قابل ستائش ہیں۔

مخلص

دستخط

(بدرا الاسلام)

سید دین محمد شاہ،  
صدر سرانیکی ادبی مجلس،  
بہاولپور۔



## علامہ اقبال تے اوندی فارسی شاعری

محمد نواز انیس پیرزادہ

حتیٰ یی اوڑکی زندگی دے نظام کو بہوں کھول تے بیان کرن کیتے علامہ اقبال نے اپنے واسطے جیڑھی راہ چن گدی ہے تے او فارسی شاعری دی راہ ہے۔ اصل گالھ اے ہے جو عربی دے بعد جیڑھی پختہ تے وسیع زبان ہے او فارسی زبان ہے۔ اساڈے وڈکے تے بزرگاں نے علمی تحقیق تے ادبی ودھاوے تے ارتقادی جیڑھی وی کوشش کیتی تے جیویں ہتھ پیر مارے ہن او پھلے عربی زبان وچ ہن تے بعد وچ اے سب کچھ، اے اساڈا سارا علمی سرمایہ، ادبی تے ثقافتی ورثہ فارسی وچ ہے۔

اساڈی تاریخ ایں گالھ دی تاں گواہ ہے جو اسلام دے آونجن دے بعد علم، اخلاق تے ادب دے میدان وچ جتنا وی ودھاوا تھیا، جتنے اضافے تھے، جتنی جدت آئی، جیڑھیاں وی نویاں تے اچھوتیاں گالھیں تھیاں او سب دیاں سب عربی فارسی دا سونپ ہن۔ اہناں سارے اضافاں تے ترقیاں کوں عباسیاں دے دور حکومت وچ اٹھاں دے اٹھ کتاباں دے لکھندے ہن۔ ابوالہزیل سنویں تے ابن سینا ورگے دانشور تے سوچاں دی نویاں راہاں کھولن والے لوگ ہن۔ کچھ ابوالہزیل دیاں کتاباں دا ستر اٹھ لکھندے ہن۔ اے سارا علمی سرمایہ تے مال متاع مغرب نے اپنی انگریزی زبان وچ ترجمہ کر گدا ہا

تے دل بندے اتے اپنیں تحقیق دی عمارت تعمیر کیتی تے او اہناں ایراں تے اج ترقی  
کریں دے ہوئے خلاواں تے فضاواں وچ ونج بچا ہے۔ اقبال ادھا ہے۔۔

نقش قرآن تا دریں عالم

لشت

نقش ہائے کاسن و پاپا شکست

اقبال دے مطابق اے حقیقت ایرں تھی جو جیڑھے ویلے ہی قرآن دی تعلیمات دے نقوش ایرں  
کرہ ارض اتے روشنی بن تے چمکے تاں دل ایرں سارے چکار دے حسن تے کشش وچ کاسن تے بے  
وڈے وڈے سوچن والیاں دیاں سوچاں ایرں لک گیاں تے ایرں مٹ گیاں تے دل اہناں دا کھتھیں کوئی  
نشان تے سپتہ نہ ملدا ہا۔

ایرں سارے چکار تے اہناں ساریاں روشنیاں دا مالک مرد مومن ہا، بندہ مومن۔!! او بندہ  
مومن جیڑھا اپنیں رب کوں رب جان تے، رب سمجھ تے، رب سونجنتے، ایرں رب کوں پاک تے بے  
مثال حقیقت سمجھ تے ایرں اوچی تے سب توں وڈی حقیقت دے سامنے سجدے وچ پیاں بندا ہا تے دل  
ایرں شانناں والے رب دی شان تے دھاک اے ہے جو دل ہر شے فنا نظر آندی ہے۔ ایرں پاک تے  
الہی حقیقت دے سامنھیں بیاہر وجود مٹ دا معلوم تھیندا ہا۔

ڈیکھو دل اے ہیں منظر کوں اقبال فارسی وچ ایرں پیش کر ڈکھایا ہے۔۔

بندہ مومن ایرں حق مالک است

غیر حق ہر شے کہ بینی ہالک است

ایرں شعروچ لفظ "ہالک" استعمال تھیا ہے۔ اے تلمیح ہے۔ ایرں تلمیح کوں قرآن دی ایرں آیت شریف  
کوں گدا گیا ہے۔۔

کل شیء ہالک الا وجہ۔۔ الخ

قرآن دے ایرں فرمان نال اے ثابت تھی گیا جو کرہ ارض دے اتے ہر شے جیڑھی اسا کوں موجود نظر  
آندی ہے حقیقت وچ ادھار منی ہے، ادمٹ و نمجن والی ہے۔ او صرف علامت ہے، ہک نقش ہے، ہک



تعیین ہے۔ خالق کائنات دے ارادے دا، اوندی مشیت تے اوندی مرضی دا۔ اے ہر شے صرف اوس ویلے تک موجود ہے جیڑھے ویلے تک اے خالق تے مالک چاہندا ہے۔ جیڑھے ویلے تک اوندی مرضی ہے۔ جیویں وی اوندی مرضی بدلی تے ارادے نے بیارخ اختیار کیتا تے ول اے ہر شے کیناں ہوسی اے ایویں مٹ ویسی جیویں حرف غلط کو مٹا ڈتا ویندا ہے۔ ایں واسطے جو "غیر حق" ہے، حق دے سامنھیں اونویں وی غیر دا وجود، وجود نہیں ہوندا۔ تے ول ایں حقیقت کوں خود قرآن نے "ہالک" قرار ڈے تے اوڑکی نٹے حتی بنا ڈتا ہے۔ ول اے تے او ٹھوس حقیقتاں ہن جہناں کو اقبال دا نگوں فلسفیاں نے اپنیں تحقیق دے بعد من گداہاتے اے آکھن وچ ذرا وی نہ رکے ہن جو۔۔۔

چیت قرآن؟ خواجہ را پیغام مرگ  
دستگیر بندہ بے ساز و مرگ

قرآن کیا ہے؟ اتھاں اقبال دا مخاطب ہر او انسان ہے جیڑھا ایں کرہ ارض تے وسدا ہے۔ برا عظمیاں دی قید وی کھینی تے نان کوئی حداں ہن۔ جغرافیہ تاں بس زمین دی تقسیم کوں سمجھن کیتے ہے۔ اے تاں او وڈیاں حقیقتاں ہن جو اے سارا جغرافیہ تے سارے برا عظم اہناں حقیقتاں دی وسعتاں گہرائیاں تے ڈونگھے پن وچ گم تھیندے نظر آندے ہن۔

قرآن تاں ایو ہوں جہیناں حقیقتاں دا اتنا وڈا سورج ہے، سجھ ہے، جیندیاں شعاواں دی تابکاری باقی ہر چیز، ہر وڈی شے، ہر خواجہ تے ہر متن دار شے دے واسطے وجودی سطح تے موٹ دا پیغام ہے۔ پیغام مرگ ہے۔ اہناں ساریاں وجودی اکائیاں دی کوئی وی حیثیت کھینی۔ اے سب کچھ بے ساز مرگ یعنی بے حیثیت ہن۔ اتھاں تاں ہر غبارے وچوں ہوا لکدی نظر آندی ہے۔ ایں تراں لظرد ہے جو۔۔۔

رایت حق از ملوک آمد نگوں

قریب ہا از دخل شاں خوار و زبون

حق دا ظاہر تھیون ہمیشہ باطل دی موت بن ویندا ہے۔ مستقل تے ہمیشگی، بنیادی تے الوہی حقیقت دے سامنھے ہر گلی تے کوچے وچ، ہر طرف خوار، خجل تے زبون تھی تے رہ ویندی ہے۔ خوار، مٹی ہون زبون ہلاک تھیندی ہوئی محسوس تھیندی ہے۔ اقبال نے اے ساریاں صورتاں بغیر دلیل دے ہلاک



ہنیں ڈسیاں - انہاں مختصر تلمیحاں دی تفصیل قرآن پاک دی تفصیل آیات دی روشنیاں وچ انہاں حقیقتاں دا انچک روشن ثبوت ہن --

0 ان الملوک اذا دخل --- سالم آیت

0 کنفس واحدہ --- تلمیح بآیہ شریفہ

0 ما خلقکم وما بعثکم --- الخ

0 ویسنلونک ماذا ینفقون --- الخ

بہر حال قرآن پاک وچ اے مادی کائنات دی حقیقت کوں کھولن دے سلسلے وچ او دلیلاں ہن جہناں کوں سامنے رکھتے اقبال نے فارسی دی شعری زبان وچ اعلان کر ڈتا ہے --

فاش گویم آنچه در دل مضمر است

ایں کتابے نیست چیزے دیگر است

جو کچھ میڈے دل وچ موجود ہے او میں کھل تے آکھدا ہاں جو اے کوئی روئین دی، معمولی تے عام کتاب کشنی - اے تاں کوئی بی چیز ہے - بالکل وکھری چیز ہے - اے تاں او شے ہے جیندے وچ زندگی دا سارا جوار بھانا، ساری اوچ جھک، حیاتی دے سارے راز، حیاتی دی ساری تقدیراں کھل تے سامھنیں آ ویندے ہن ---

از ہم و زیر حیات آگہ شوی

ہم ز تقدیر حیات آگہ شوی

گویا بقول اقبال قرآن دے لفظ لفظ وچ زندگی دی سچائیاں موجود ہن جیڑھیاں سمجھن تے عمل کرن نال اپنیں منہ توں پردا ہٹا گھندیاں ہن - زبان نال قرآن پڑھو تاں اے لفظ ما کھی دا گھٹ لگدے ہن - قرآن دی ہک اپنیں لے ہے، ہک اپنیں آہنگ ہے - ہک اپنیں برتے موسیقی ہے جیڑھی نظر تاں ہنیں آندی پر روح کوں تاں ایویں تازہ، ایویں مست بنا ویندی ہے جیویں روز ازل وچ الست دی مرلی نے انسان کوں مست الست بنا ڈتا ہا - اے تازگی تاں مٹھاس اج وی اونویں محسوس تھیندا ہے جیہنویں اوں ویلے ہا ---

مخفل ما بے و بے ساتی است

## سار قرآن را نواہا باقی است

اقبال بہوں پڑھا لکھا انسان ہا۔ اوں دنیا دے قوانین خود آپ پڑھے ہن۔ خود اٹھائیں ونج تے معروضی حقیقتاں کوں موقع تے ڈٹھا ہے۔ اٹھوں دی ہتذیب، تمدن، ثقافت تے طرز زندگی دا مطالعہ کیٹا ہے تے ول سارا کچھ سمجھتے گویا۔ بار اٹ لاء۔ دی ڈگری گھن تے، پی ایچ ڈی کرتے، گویا سچائیاں دی پوری طرح نال گول پھول کرتے او ایں نتیجے تے پہنچا جو بس اگر کئی شے سچ ہے، حق تاں انسان واسطے او اللہ دا قانون ہے جیڑھا خود خدا نے قرآن ونج ایں دنیا اتے انسان واسطے پیش کر ڈتا ہے۔ قرآن کوں عملی زندگی ونج سجاتے محمد عربی، محمد مصطفیٰ صلی اللہ علیہ وسلم نے پیش کر ڈتا ہے۔ ایں درتوں سوا بیا کوئی سبق وی انسان کو تباہی کنوں نہیں بچا سگدا۔ چنانچہ آپ اقبال سائیں اے فریہندے ہن۔۔۔

فطرت تو مستنیر از مصطفیٰ است

باز گو آخر مقام ما کجا است ؟

انسانی فطرت ونج صرف نور مصطفیٰ ہی روشنیاں کھنڈا سگدا ہے۔ قرآن دیاں روشنیاں تے بس۔ اے روشنیاں انسان دا اخلاق وی ہن، کردار وی ہن، معیشت وی ہے، معاشرت وی ہے، ہتذیب وی ہے، تمدن وی ہے تے سب کچھ ہے۔ اہناں روشنیاں ونج جیڑھے اصول روشن ہن تے انسان کوں آپنی طرف متوجہ کریندے ہن، اہناں تے عمل کرتے بین الاقوامی سطح تے زندگی، انسانی حیات کوں سونہاں بنایا ونج سگدا ہے۔ امن نال، سکون نال، دل دے اطمینان نال، انصاف نال، عدل، سماجی انصاف، بین الاقوامی عدل صرف تے صرف اہناں اصولاں ونج ہے تے بس۔۔۔

جز حرم منزل نہ دارد کارواں

غیر حق در دل ندارد کارواں

اے اوندا علم وی ہا، تجربہ وی ہا، مشاہدہ وی ہا جو او اے آکھن تے مجبور تھی گیا جو حرم یعنی مرکزیت، خدا دے گھر دی مرکزیت دے بغیر کارواں دی بی کوئی منزل کیتی۔ حق ایویں ہے، حق ایہو ہے، حق نہ سنجانن والا اپنیں سامھنے زندگی دی شاہرا تے منزل دا ہرگز کوئی نشان ڈیکھ وی نہیں سگدا۔ حق روشنی ہے۔ باطل اندھیرا ہے۔ حق چھوڑ ڈیون دا مطلب گھپ اندھیراں ونج ڈھے پون دے برابر ہے۔ حیاتی دی گہرائیاں ونج اندھیرا وی اندھیرا نظر دا ہے۔ بقول اقبال ایں اندھیرے وچوں باہر آونجن واسطے



اللہ دی ڈتی ہوئی شریعت دا نور انسان کوں راہ دکھا سکدا ہے۔ ایں نور دے بغیر انسان اپنی زندگی دی پگڈنڈی تے کائنات وچ ہمیشہ تاریکیاں دی ڈراکلی راہ اتے الجھ ویندا راہی۔ اقبال دے فارسی لفظ شعر کوں ایں سچندے ہن۔۔۔

شرع بر خیزد ز اعماق کائنات  
روشن از نورش ظلام کائنات

علامہ اقبال چونکہ زندگی دی معاشرتی تے اخلاقی قدراں کنوں اچھی طرح واقف ہا ایں واسطے او اے ادھا ہا جو بغیر دانائے نظر رکھن والے انسان دے ڈوچھا کوئی وی انسان باطن وچ، انسانی سیرت وچ، انسانی کردار وچ رنگ نتیں بھر سکدا۔ گویا انسان دے اندر والے انسان کوں انسانی صفتاں نال سنگار نہیں سکدا۔ سیرت تاں اوں ویلے جاگدی ہے جیزھے ویلے اہل نظر دی نظر اوکوں جگا ڈیوے۔ جے اندر دا انسان جاگ پوے تاں ول انسانی چہرہ نور وانگوں بلدا ہے۔ او ہمدرد ہوندا ہے۔ او پیار و نڈیڈا ہے۔ او دکھاں دا سہارا ہوندا ہے۔ او دلاں دا ماہی لگدا ہے۔ ایں واسطے جو او ندا ضمیر جاگدا ہے۔ او ندے اندر نیکیاں تے چٹکائیاں دا بیج پھلاں وانگوں ترڑتے چن دی مہکار بن ویندا ہے۔ جے اہل نظر دیاں نظراں کھینی تاں ول۔۔۔

می نہ روید تخم دل از آب و گل  
بے نگاہی از خداوندان دل

پرانج دا مغرب انہاں پتلیاں تے مہین حقیقتاں کوں اصلوں نتیں جاندا تے اے وڈا المیہ ہے۔ اقبال کوں وی ایں گالھ دا بہوں ڈکھ ہا۔ او ایں آہ بھرتے آہدا ہے۔۔۔

آہ یورپ زیں مقام آگاہ نیست  
چشم او بینظر بنور اللہ نیست

بینظر بنور اللہ حدیث نبوی دی تسلیح ہے جیندا مطلب ایں ہے جو مومن اللہ دے نور نال ڈیکھدا ہے۔ اللہ دا نور مصطفیٰ دے آسماناں تے او چرھدا بھج ہے جیندے کنوں ترٹ تے کھنڈیاں ہوئیاں کرناں انسان دے باطن کوں نور بنا ڈیندیاں ہن تاں ول او جہاناں دے واسطے رحمت خداوندی بن ویندا ہے ایہوں تاں صحیح معنوں وچ انسان تے آدمی ہوندا ہے۔ ایہوں انسان ہمیشہ تے ہر وقت اوں خیر کنوں



وی لگا ہوندا چیز سی خبر مصطفیٰ کنوں پہنچی ہے۔۔۔

مصطفیٰ داد از رضائے او خبر

نیست در احکام دیں چیزے دگر

جیڑھا کجھ مصطفیٰ دا فرمان ہے اوہودین ہے۔ اوہو حیاتی دا نظام ہے۔ اوہو زندگی دا سسٹم ہے۔ پراج اساں مغرب کوں چنگاں جاندے ہے۔ اساں ادھے ہے جو اوہو ملک اساڈے مرلی ہن جیڑھا سب توں وڈا دھوکا ہے۔ خدا ایں دھوکے کننوا ساکوں بچاوے۔ اقبال تاں ادھا جو ننویں ہتھنڈا شیعہ "آدم دری" یعنی آدمیت کش ہے۔ تاں اے سارا کجھ سوداگری وچ چھپا ہویا نظر دا ہے۔۔۔

شیعوہ ہتھنڈا نو آدم دری است

پردہ آدم دری سوداگری است

تاں ول ایں گالھ کوں او ایں بیان کریندا ہے۔۔۔

ایں بنوک ایں فکر چالاک یہود

نور حق از سینہ آدم رلود

"بنوک" در اصل انگریزی لفظ ہے۔ بنک تے ایں لفظو کوں عرباں نے مغرب کرتے عربی زبان وچ "بنوک" بنا ڈتا ہے تے ول مغرب دی ایں سوداگری تے بنیک دا، ڈوجھے لفظاں وچ سرمایہ کاری کو "بنوک" "فکر چالاک" یعنی عیاری تے مکاری قرار ڈتا ہے۔ دراصل ایہا او بنیک کاری ہے جن انسانی سینے وچوں انسانی عظمت دے نور کوں کھس گدا ہے تے ول او ندے سینے وچ ذاتی لالچ، ذاتی مفاد بھر ڈتا ہے اقبال دے مطابق جیڑھے ویلے تک ایں نظام کو ختم نہ کر ڈتا ویسی، اے نظام تہ وبالانہ تھسی تاں ول اے ساری سوداگری محض فکر یہود دی چالاکي راہی۔ نہ صرف چالاکي بلکہ اے ساری دانش ہوئے تاں بھانوے ہتھنڈا۔ اے سارا کجھ "سودائے خام" ہے تے گھانا وی گھانا ہے۔ تے ول ایں ہیں واسطے اے گال ایں وی بن ویندی ہے جو۔۔۔

آدمی اندر جہان خیر و شر

کم شناسد نفع خود را از ضرر

ایں دنیا وچ اے تاں بہوں کھلی ہوئی حقیقت ہے جو نفع تے نقصان یعنی خیر تے شر کوں ملاتے

ایں دیں چکدار بنا ڈتا ویںدا جیویں ساریاں چیزاں سونا ہون - ایں ہیں واسطے انسان کون دھوکا لگدا ہے ۔  
 جو خیر کیزہی ہے تے شر دی کیا نشانی تھی سگدی ہے - تاں ول ایں ہیں حقیقت کو سمجھن واسطے اقبال نے  
 مسلم امہ کون اے پیغام وی ڈتا ہے جو اگر دین دیاں سچائیاں وی سچان کرنا چاہدے ہوئے تاں تسان  
 ایہیں ضمیر دی گہرائیاں وچ جھات پاؤتے غور نال ڈیکھو - تاں ساریاں سچائیاں روز روشن والی کار ظاہر  
 تھی دین -

فاش می خواہی اگر اسرار دیں  
 جز بہ اعماق ضمیر خود مبیں  
 (اقبال)

## محبوب جھنگوی دا اعزاز

\*\*\*

ڈیرہ غازی خاں ( ہمائندہ خصوصی ) بزم ادب و ثقافت دے چیئرمین ممتاز لوک  
 گلوکار تے گورنمنٹ و وکیشنل انسٹی ٹیوٹ ڈیرہ غازی خاں دے سینئر ٹریڈ انسٹرکٹر محبوب  
 جھنگوی کون ایہناں دی سرائیکی زبان وچ سانس تے ٹیکنالوجی تے پہلی کتاب " موٹر کار -  
 دے مسودہ تے ۱۹۹۴ء دا مسعود کھدر پوش ایوارڈ ڈتا گئے - ایوارڈ ڈیون دی ، تقریب  
 گزریل ڈسہنہ لاہور دے ہک فائیو سٹار ہوٹل ، وچ تھئی جیندے مہمان خصوصی معروف  
 دانشور اشفاق احمد خان ہن جڈاں جو بے مہماناں وچ ریٹائرڈ جسٹس عبدالباق گلوکار  
 علایت حسین بھٹی تے پروفیسر عباس نجی شامل ہن - - فرید سرائیکی سنگت دے صدر  
 محمد رمضان طالب ہووین کون وی دینی ادب دے شعبے وچ ایہناں دی کتاب " محبوب  
 رب دا " تے مسعود کھدر پوش ایوارڈ ڈتا گئے -



## سٹیں شوکت ہاشمی دی نظم دا ویورا

ڈاکٹر نصر اللہ خاں ناصر

سٹیں شوکت دی شاعری سرائیکی زبان دی گزری وہانی رست تے موجود روایت توں اصلوں انج نوہکلی تے تخلیقی سطح تے بالکل نویں نگر ہے۔ اے شاعری ہک اوجھل ان سونہاں، ان چتھاتے اظہار دا اپنا رنگ اسا کوں ملے تے ڈھک ساریاں حیرتاں و نڈیندے۔ ایں گوجھی وچ اجوکے دور دے سانجھے مونجھ ملال دی ہن۔ کلہی دے سول ساڑے وی تے وچھوڑے دے الم ارمان وی۔ اے شاعری ویسی تے تہدی سچائیاں دا ادراک وی رکھدی ہ تے ایں وچ حیاتی دے بنیادی حق سچ کوں بولن دی تن دی لاتی بئی اے۔ نظمیں دے تجزیاتی مطالعے توں پتہ لگدے کہ اساڈی ویسی زندگی دا ہر گوشہ شاعر دے ہتھ و ستا ہے۔ جتھاں ہک پاسے اوندی اندرلی ذات نشاں تھیندی اے تاں پئے پاسے اپنے چودھار دے دسوں واٹ زمینی رشتے۔ ذاتی ڈکھ دیاں امانتیاں انھاں نظمیں دے معنوی اسرار والے گھنڈ وچ لکیاں ڈس دین تے انھاں نظمیں دے منہب سنگھار اہم وکون دے امج ہن۔ اکثر جھیں تے اگرچہ شاعر اپنی ذات، اپنے کلہی یا کتاہیں ناموجود مخاطب نال ہمکلام ہ مگر اینویں لگدے جو اوند ا مکالمہ سارے انسانی وسیب، اپنے عہد تے پورے جگ نال ہ تخلیق عمل دا ایہو گھیر شوکت کوں آج دے مہاندے جدید شاعراں دی تہدیر وچ آہوں آہوں آن کڑا کریندے۔

اساڈی بہت داک و ڈاک جھپ کیاں کاسبیل نال انتہادی ولہ وانجھ ہ سونے سانویں ہتھاں والے محنت کش، ویلے دے وکیر وچ آتے کی بن گے۔ انھاں داکسب انھاں دے متھے داکھ بن گیا تے جاگیر داری ورتا دے نے انھاں کوں کم تر درجے دا شہری بناتے کی کسی سہیا تے ہر طراں دا دود ڈھپ انھاں تے روا تھیا۔ شوکت سٹیں دیاں نظمیں وچ جا جاتے کیاں دے خلاف ویسی ورتاویاں اتے بھرپور احتجاج ملے۔ او کیاں دے درمیان انھاں دے ڈکھاں، محرومیاں تے لاچاریاں وچ ساہ گھندا ڈس دے۔ ایں طبقے نال اوند ا گانڈھا اتنا گھاتا ہ۔ جو ہک شدید رد عمل دے طور تے اوندے کلام وچ چنگی بھلی مزاحمت پیدا



جی گئی اے۔

پھلوے والی کار ڈکھدے ایس موضوع تے کئی نظمیں پڑھن والے دے ارمانی دل کوں اپنی مٹھ وچ گن گھنڈن۔ ”ونگاری“ ”کی لوکیں دی وڈیاں“ ”ہک اچری نظم“ ”اپنے ڈسب دیاں گائیں“ ”جی رب سائیں“ ”جیہاں نظمیں سماج دے پیراں تلے لٹیندے“ ”دھندے انھاں نمائیاں دے ویکیاں کوں تار تے پیش کیتے“ ”جی رب سائیں“ ”وچ ٹانگے دھاوٹ والے کرموں چاچے دے دھی دا ڈکھ بیان کریندیں شاعر انتہا دا درد رنجانا تھی تے نظم دے چھیکٹو وچ رب سائیں دے آگوں اپنی دھاں فریاد جیہیں عاجزی تے ارداس نال بیان کیتے اوندی مثال نی۔

ربا ! تہی شایان عجب  
ظالم کیوں ظلم کراتے  
تہیے گھر وچ آوڑ دے ہن  
تہیے آگوں جھک ویندے ہن  
اپنا کیتا جھل ویندے ہن  
دھل ویندے ہن  
اتے مظلوم نصیب مارے۔۔۔ رُل ویندے  
ہن

توں سب سائیں  
توں سب سائیں  
جی رب سائیں  
جی رب سائیں

شاعر اپنی سوچ دی تانی وندیں کہیں ہک وپرے کوں اپنے سامنے نہیں رکھیا، بلکہ جبر دے سارے ویار لندیاں سو جھل اکھیں وچ انکار بن تے او کوں ہک ہک ہنجوں رویندن۔ او جبر استحصال دی ہر طاقت نال آڑو ہٹاے۔ کتھاں روہی دا وین بن تے روہی دے گھوٹ پیر فریدن سائیں کوں اپنے بھوگ سٹہندے۔ سکے

ٹوبھے تریمہ دے کال، کُسدے پکھی پکھیرو۔ روہی دے بے انت ملک تے دھاڑے اوندا ہاں چھنبیندن  
تے او اپنا پلو چاتے دعائیں منگدے۔

کوٹ مٹھن دا صدقہ میکوں رسدی و سدی روہی ڈے چا

ہسدا ستلج ہسدا چولستان تے ہسدی روہی ڈے چا

کتھاہیں ”تخت لہور دے نیڑے تیرے واہندی رت دی راوی“ اندر اونکوں بے وسیں دے خواب  
نثارے کھاندے ڈسدن۔ او تھر، تھل، چولستان دے حقیقی وارثاں دا کراٹ بن تے اُچے کوٹاں تیں اپنا ہوکا  
ہچیندے تے آس دا پاند دی نہیں چھڑیندا۔ اوندی آس ھ۔

تخت لہور دے نیڑے تیرے وہندی

رت دی راوی سکے

تھل تھر چولستان دے ہچڑے

تخت لہور دی جیل توں نکلیں

رت دی راوی دی رت پیندی ویل توں

نکلیں

مزاحمتی ادب دے اے لازوال نقش ایس شاعری دا سب توں وڈا سوکھ ہن۔ شاعر نوپاں علامتاں دے  
ہک ہنڈھیے ہوئے نظام نال کئی طراں تے اپنی گال ٹوڑی ۲۔ نظم ”چھکے چاہڑن والا موسم“ وچ اظہار دا ہک  
نوکلا انداز اساڈے ساہ جھٹن گھندے۔

وت ڈاندیں کوں

چھکے چڑھ گے

گاہ جو کہسن

جووٹن والے

بھوں تے دانے دکھ دکھ کرتے

دانے اپنے گھر گھن دھسن

خالی پھکے بھوں دے ترنگڑ۔ پلے دے وچ

ڈاند ہن شوہرے

مردے کھدے

خالی پھکا بھوں چرچرتے

سال پچیسن

”تخت لہور دا بھار عجب ھے“ اینکوں مٹھی شوکت دیاں نمائندہ نظمیں وچ گنیا وچ سبکدے۔ ایں نظم وچ اظہار دی کاٹ تلوار دی کار تکھی ھے۔ ون یونٹ دے قہر نے جنوبی پنجاب کوں جیہیں طرح پسماندگی دی ڈات ڈتی تے سبھے وسائل جیہیں طرح لہور شہر دے پھکھے وچ آئے اونکوں ایں نظم وچ وڈی فنکارانہ مہارت نال پیش کیتا گے۔ اے نظم شاعر دے اُبھرویں سیاسی شعور، اخلاقی رویے، سچے ورتارے تے حوصلے دی گواہی ڈیندی اے تے ایں طرح نظم کوں محروم پسماندہ جنوبی پنجاب دے لوکاں دے دل دی آواز آکھیا وچ سبکدے۔

تخت لہور دا ڈاڈا حاکم

بکھ، تہ تے ڈکھ

تخت لہور توں ہٹ تے وسن

تھل، تھر، چولستان دی مٹی چٹ تے وسن

سارا سو جھل تخت لہور دے نیڑے تیرے

تھل، تھر، چولستان دی قسمت دھوڑ اندھارے

جھگڑے۔ جھگڑے

اینویں نظم ”لودا ہوکا“ وچ بکھ ڈکھ تے لکھ دے عذاب گنویندا شاعر ”ہک نویں سوچ دی نظم“ وچ حیاتی دے دھوڑے دھاپے بیان کریندے۔ نظم ”سندھو تہ پٹی چھل دا موسم“ حیاتی دے عدم تحفظ دا ہک بلخ استعارہ بن تے سامنے آندی اے ”کال سفر دے راہ وچ“ او ترک آساں تے ملو کڑے پالاں دے ڈکھیلے ازادری پندھ ڈسدن۔ ”محرم لولی! لودی لوڑ نیں دے سائیاں“ وچ آن توں خالی کلو ٹھیاں، وِسمیاں پتھاریاں



تے اُن تلکھل مانیاں دے رو دھے تے خوشی دے سبھو کال کول مکان رت وچ وٹھندیاں چٹوائے۔ لہم  
 مادی ککھ وچ "چھانواں توں محروم وٹ سک تے رٹا تھے پیلوں، بکھ دے ہتھوں تھلاں وچ رلدے پچھ  
 دے بھوگ ڈسدن پر اساڈا شاعر انھاں عذاباں وچوں گزر دا کتھا ہیں وی مایوسی دا شکار نی تھیندا۔ اوکوں یقین  
 ۛ کہ آون والا ویلا خوشیاں دا بچھ بن تے اُبھرے تے محرومیاں، مجبوریاں دی کالی ککھ اندھاری ری رات  
 کول سو جھلے دی بختاور من نصیب تھیسے۔۔ یقین دا سو جھلا ہر جاتے ہک نواں عزم عطا کریندے۔

سوچ دا ڈیو اٹم اٹم کر دا

پیریں رت ۛ

چیتے پھر گے

مت بے مت ۛ

جندڑی پیاری۔ درواں ماری.....

وت وی منجھنٹو

راہ گھنڈے رُردے راہسوں

رُردے راہسوں۔ رُردے راہسوں

رُردے راہسوں

بھومیں دا اے جم پل جانڈے جو اوندے سارے ڈکھ سکھ اپنی دھرتی نال سمیتے ہوئے ہن۔ اوندے  
 قدم اپنی زمین تے یقین دی طاقت نال چھمٹے ہوئے ہن تے اے اوں ویلے تیں چھمٹے راہسن جے تیں  
 اوندی رجت نہیں تھیندی۔

اپنی بھومیں اتے چھمارہ

اپنے پیراں تے تھمارہ

اپنے جاگن وچ سمیارہ

سچ اہاں میں

آخر ہک ڈھنڈا تھک تاں ویسی

ایسہ ویلا، ایسے ویلے دا ہنر

تیکوں جھنبندا جھنبندا۔۔۔۔

ڈکھ بکھ دے باوجود اپنی مادھرتی نال اے اُن کھٹ اُن مٹ محبت اساڈے شاعر دی سب توں وڈی طاقت تے توانائی ۛ سرمستی وچ او اپنی رنگی دھرتی دے گاؤں گاندا، جھمریں مرندا صدقے گھولے تھیندا نظر

دے۔

جھمریں جھمر سنگتی فجدے محرم لولی الو

جگنی ماہیے پے ڈھولے محرم لولی الو

نویاں سوچاں نویاں باتاں راتاں محرم لولی الو

ہسدے ڈھنہدے تے وسدیاں راتاں محرم لولی الو

ہک سچا شاعر ہمیشہ اپنی دھرتی نال اُن ترث سانگے رکھدے۔ او اپنی دھرتی اتے کوسی واوی نہیں ڈیکھ

سجدا۔ اوندی ساری تن ساری سک او نکوں سنگارن سنوارن وچ رچھی ہوئی ہوندی اے۔

چل بابا، چل بابا تھپا بیٹا

میں ایں دھرتی دا چایا، ہم

شالا میڈی ایں دھرتی تے رات نہ تھیوے

شالا میڈی ایں دھرتی تے دشمنی والی جھات نہ تھیوے

شالا میڈی ایں دھرتی تے ساؤل تھیوے

شالا میڈی ایں دھرتی تے سورج چمکن۔۔۔۔۔ سو جھل

تھیوے

سیانے آہدن وطن کشمیر ہوندے۔ بھانویں او پر وحشت منہجڑی روہی ہووے یا تھل داما رو بیابان،

اپنی مٹی دی خوشبو روح اتے ساوٹ دیاں بارشاں وانگوں وسدی اے تے چوگبوٹھ مہکا ڈیندی اے۔ تھل دے

کنڈے تے شاعری دانکا جیا پر وبھرا قصبہ لیہ جگ تون او نکوں محبوب اے۔ ”تھل ورتی“ وچ یناں ملا لے

جذیاں دا اظہار اے۔

تھل و طٹاں اچ شہر اولڑا

شہر اولڑا لیہ

مکدی گال اے ھ کہ مٹھی شوکت دا ڈکشن لاجواب 'لینڈ سکیپ خاص مل وطنی' سچاپو استعارہ  
علامتاں ویسی بہتل نال جڑیاں ہوئیاں 'رسمیں ریتاں تے ثقافتی رنگا میزی نال رجیاں کجھیل نظمیں  
طراں دیاں فکری جتتاں وچوں لنگھدیاں اساڈے تیں پھجدین تے اپنا ہو کا سکھ منویندیں - جیہندے نال  
کے دور دی سرائیکی نظم کوں ہک نویں سچاں نصیب تھی اے -



کاروباری حضرات

اپویں اشتہارات "سرائیکی" رسالے دی معرفت وسیب

تئیں پہنچا سگدن

اے موثر ذریعہ اے - آؤرل تے ٹروں! "سرائیکی"

شالا و سرے نا!



## غزل

صاحبزادہ ریاض رحمانی

لپے لہو مال تیڈا روپ نکھاری ویندوں  
 تیڈے رخسار تیڈی سیندھ سنگاری ویندوں  
 ریت دی کندھ ، سخن تیڈی وفا دی امید  
 ڈھاندی ویندی ، مگر ول وی اساری ویندوں  
 دور توں کھڑتے تیڈی زلف دے سائے ڈٹھن  
 ہاں کھڑا بلدا ، پر اکھیں تاں ٹھاری ویندوں  
 تیں کنوں نکھڑوں تاں محسوس کریندوں اینویں  
 جیویں کوئی چیز تیڈے کول وساری ویندوں  
 سر دے بھرنے اساں آئے ہیں تیکوں نیون کیتے  
 آ نہ آ پر تیڈے رستے تاں بوہاری ویندوں  
 جینویں جینویں توں دوست بنیدا ویندیں  
 اونویں اونویں دشمن اساں دھاری ویندوں  
 بھن تے آلس نہ ڈکھاو میں سمجھا بیٹھاں  
 پے سمجھیندو جو اساں مار اڈاری ویندوں  
 عشق اوں شخص دا پانی دی مندھانی ہے ریاض  
 رڑکی ویندوں تے نتارے وی نتاری ویندوں

## سرائیکی غزل دانمائندہ شاعر -- ریاض رحمانی

محمد اسلم میٹلا

ریاض رحمانی سرائیکی زبان و ادب دا او سرکڈھواں ناں ہے جیندے اتے سرائیکی زبان و ادب جتنا وی ناز کرے او گھٹ ہے۔ انھاں اپنے شعر دے راہیں نویاں محاوریاں، استعاریاں تے تشبیہاں نال ایس زبان دے دامن کوں بھر ڈتا ہے۔ انھاں دا تعلق بھانویں جو بزرگ نسل نال ہے پر انھاں دا کلام پڑھ تے اینویں محسوس تھیندے جو ماضی، حال تے مستقبل کٹھے قدم رلاتے ٹردے پن۔ انھاں دے کلام وچ ابھام ناں دی کوئی شے نظر نہیں آندی جیڑھی جو اجوکی نسل دی شاعری وچ عام نظر آندی ہے۔ ایس لحاظ نال انھاں دی ذات روشنی دا مینار ہے کیوں جو نویں شاعری دی فنی رہنمائی دے میدان وچ انھاں دی خدمات بہوں زیادہ ہن۔ زبان خالص تے کھری استعمال کریندن۔ خیال اچھوتے نویں تے دلکش ہوندن۔

انھاں دا شعری مجموعہ "سوچاں خنبو لفظ عذاب" دے مطالعے توں بعد انھاں دی صنف غزل نال محبت تے دلچسپی دا بھرپور اندازہ لایا ونج سگدے۔ بلاشبہ او سرائیکی غزل دے نمائندہ شاعر ہن۔ صنف غزل کوں اظہار بنیندے ہوتیں انھاں آپ کوں حسن و عشق دے مضموناں تائیں محدود نہیں رکھیا بلکہ غم، روزگار، تصوف، اخلاق حسنہ، روحانیت غرض زندگی دے ہر شعبے کوں اپنی فکر دے دائرے وچ نہ صرف سمیٹے بلکہ گھن وی آندے۔ ایس سارے عمل دیوچ انھاں غزل دے مزاج کوں متاثر نہیں تھیون ڈتا تے بھرپور غزل تخلیق کیتی ہے۔ صنف غزل دے کیا خوبصورت شعر تخلیق کیتے نیں، کجھ شعر

مہکدے پن غزل دے اپھل اچکل  
ایں چن دا ریاض مالی ہے

.....\*

ریاض ایہہ ساڈی محنت دا ثمر ہے  
غزل دا بوٹا پھلدا پھلدا ویندے

.....\*

جیڑھا منکر ہے سرائیکی وچ تغزل دا ریاض  
اوں کنوں اپنی غزل دا لوہا منویندے جلوں  
انھاں دی غزل وچ تغزل بھرپور انداز وچ ساکوں نظر آندے۔ کچھ شعر ملاحظہ کرو۔۔  
پہلی وار خنجر چاتس شالا نازک بانھ دی خیر  
دل سو وار دعائیں ڈیندے قاتل کوں ہر وار دے نال

.....\*

مڈے دل دے پکھی دی اج خیر کائنی  
او ول چاتے زلفاں دا جال آگیا ہے

.....\*

بے رخی ڈیکھ تے نہ مونجھا تھی  
بے رخی ہے شعار بھناں دا

.....\*

مکھڑے مڈے کوں ڈیکھ تے ڈتی سلامی چندر  
زلفاں مڈیاں کوں ڈیکھ تے کیئا گھٹا سلام

.....\*

ایہہ تاں توں ہیں میڈا تھی تے بن گیا ہیں اوپرا



میں تان اونویں تیڈا ہاں جینویں جو ہم تیڈی قسم  
نازک خیالی دے ڈوں شعر ملاحظہ کرو۔۔

تیکوں سجان گھدی ہے ہر حال وچ نظر  
چہرہ لکاتے ٹر توڑیں ٹوراں وٹاتے ٹر

.....\*.....

قیس جو مویا تان جنگل نے مکا ناں جھلیاں  
بلجھ دیوانے دے سنج برکوں وساوے کیزھا۔  
کہیں کہیں جاتے مزاج دارنگ وی اختیار کر گھندن۔۔

ہے اعلان ٹی وی تے کہیں گم شدہ دا  
میکوں اپنے دل دا خیال آ گیا ہے  
معاشرے دیاں ناہمواریاں دا وی تذکرہ کیتا گئے تے او وی مزاحمتی انداز وچ۔۔  
چوراہے وچ سولی تے ایہہ لاش خبر ہئی کیندی ہے  
کی تھی تے ایں گالھے بر میچیا ہا سردار دے نال

.....\*.....

اج بولن تے پابندیاں ہن  
کوئی غم دا کیا اظہار کرے

.....\*.....

تاجواراں کوں کاوڑ ہے میں مستھا کیوں نہیں ٹیکیا  
کیا جانن آداب شہانے میں جھے مست موالی  
ریاض رحمانی دی غزل دے مطالعے توں بعد اساں ایں نتیجے تے پجدے ہیں جو سرانیکی غزل جیزھا  
سفر کر چکی ہے او کہیں لحاظ نال وی اردو یا فارسی غزل توں پچھوں نظر نہیں آندی بلکہ اساں اے آکھ  
سگدے ہیں جو سرانیکی غزل دی اگاں ودھن دی رفتار اہناں زبانوں کنوں کھائیں زیادہ ہے۔

## لکھیا ترا

صابر چشتی

لکھ دے دن تے ہینگھل پانون  
تتڑی ریت دے ترورے  
وادی مُٹھ ۽ ج جیون کتھا  
رنگ رنگ خشبونٹ اُڑے  
کال دی اکھ ۽ ج جھ تال ہنگھوے  
من دی اکھ کیا دیورے !

## جاگن سر نروار

اندروں اندروں سرمیاں رُسن  
مستیاں کھیلن مونجھاں وِسن  
من موجی ہریار  
باہروں اُسن کوٹ حویلیاں  
تھیون سروں تار  
جاگن سر نروار

رابند رناتھ ٹیگور دے انگریزی لیکچرزدے مجموعے "Personality" دا سراینکی اتارا

”وجود“

دے نال نال بہوں تکھیں چھپ ویسی۔

ترجمہ کار۔ صابر چشتی

ملن دا پتہ - سرانیکی ادبی مجلس، جھوک سرانیکی بہاول پور  
 ”گوتم نال جھیڑا“

دے نال نال سرانیکی سوجھوان تے مہاندرے شاعر سیں اشولال دی نویں کتاب چھپ گئی۔  
 ملن دا پتہ

۱- سرانیکی ادبی مجلس، جھوک سرانیکی بہاول پور

۲- ۱۳- بی شرقی ٹرسٹ کالونی، بہاول پور

۳- بکین بکس، گلگشت ملتان

”بھونڈی بھونٹیں تے“

دے نال نال مہاندرے سرانیکی شاعر سیں رفعت عباس دیاں نظماں دی نویں کتاب چھپ گئی۔

ملن دا پتہ :-

۱- سرانیکی پبلشنگ ہاؤس ۳۲۲ - شیر شاہ روڈ - ملتان

۲- اوشین بکس کینٹ ملتان

”ناتھ جی“

دے نال نال سرانیکی سوجھوان تے لیکھکے سیں ملک عبداللہ عرفان دے لوک قصیاں دی ڈوجھی  
 کتاب داموہری پاترا چھپ گئے۔

ملن دا پتہ :-

۱- ۱۳- بی شرقی ٹرسٹ کالونی - بہاول پور

۲- سرانیکی ادبی مجلس جھوک سرانیکی بہاول پور



## ساول

ارشاد متین

اندھے کھوہ دی سرہاندی کھڑے پل دے ساوے پتروی ہن پلے تے ککھے تھیون لگ پئے ہن۔ ایہو کو وٹ  
تاں رہ گیا ہئی۔ جیندے آتے دل وی کجھ کان ساول ہئی اے ساول وی ایس ہڈھے پل دیاں انھاں پاڑاں دی وجہ  
نال ہئی جیڑھیاں بھوئیں دے کھراٹھ تے رکڑ تھیون توں پہلے شوہہ گیاں ہن۔ ہن تاں اے حال ء جو بورنگ دا  
پانی کھڑا کھڑا کنگوں تھی ویندے پر مجال ء جو ساول کوں دھرتی تے پیر جماون ڈیوے۔ ”پتہ نہیں ایس پانی کوں ساول  
نال کہاں دیر پئے گئے۔“ مالو سوئی دی چونہ نال کھڑا ہٹاتے مٹی کوں پھر لیندے ہوئے آکھیا۔ اوں ہک واری دل  
متھے تے سچے ہتھ دی چھاں ہٹیندے ہوئے پل دے پتراں کو نچھاتے ڈٹھا۔ پر رت بدلن توں پہلے پتراں دا رنگ و  
ٹاؤن اوندی سمجھ توں بہرا۔

اے پندراں دیکھئے زمین مالو کوں وراثت وچ ملی ہئی۔ بیج دیکھیں تے امباں دا باغ ہئی تے باقی تے ہاڑی  
سانوئی دیاں فصلاں تھیندیاں ہن۔ ڈو جوگاں تے بیج ست منجھس گائیں تاں اوندیاں آپٹیاں ہن تے مزارع دے  
ڈھور ایس کتوں علاوہ ہن۔ باغ آلی زمین ء چ انہاں زناوراں کھتے گھاسے تھی پوند اہاتے حق ہمسائے دی چک چراندوی  
نہ مکدی ہئی۔ گھردا کھیر لسی، مکھن، دانٹاں، کپاہ ہر شے اوندے کھتے بے امیک ہئی۔ چوگا رچ ہئی تے کھوہ دا مٹھا پانی  
دی، دل انھاں درختاں تے ہکھیں دی رونق کیوں نہ لگے ہا۔ ویلا وہاندا رہاتے مالو دے ہک پے توں او توں  
چارے پتر شر سکول ء چ داخل تھی، پڑھائی پوری کر، نوکری کریندے شہر دے ہو رہے تے مالو جوان پتراں دے  
ہوندیاں آپٹی جھوک تے آپٹی زمین تے کلہارہ گیا۔ زمانے تے وقت دے نال نال جوگاں دی جا ٹریکٹر آگئے تے کھوہ  
دی جابورنگ۔ مزارع دی جا نوکر آگئے۔ نوکراں مال دی اچھی کیتی جو ہک ہک کرتے سارے زناور یا تاں مڑ بھر گئے یا  
دل انھاں کوں قصائی کھیل گئے۔ باغ اچڑ گیا تے اخیر اوندے سکے وٹ درکھاٹاں کوں وک گئے۔ مالو اپنے پتراں  
دے اکوں ہٹیندا رہا جو آپٹی زمین دا کجھ خیال کرو پر انھاں کو آپٹیاں نوکریاں تے شہر دے کم کار توں فرصت ملے

ہاں پڑھڑے دی کہیں چال تے دھیان ڈیون ہا۔ کرنی خدای اے تھی جو ہک ڈھنہہ مالو کوں زور دا بخار تھیا۔  
 اوندے پتراں کوں اطلاع ملی تاں او آپنے پپو کوں علاج معالجے دے بہانے شہر لہڑ آئے۔ بھراواں رل صلاح کیتی  
 پڑھڑا زمین دی کرتاں مسجدائیں خواجواہ اتھاں چنمے کھوڑی پئے، کیوں نہ زمین کوں ٹھیکے تے ڈے ڈتاوئے۔ پتراں  
 دی صلاح توڑ چڑھی تے زمین ٹھیکے تے ٹر گئی۔ ٹھیکے کنوں وی کوئی خاص آمدن تاں ہئی کئے ناں ہک ڈھنہہ اتھاں ڈیر  
 بیج ملن دے لالچ وچ آتے سڑک دے نال لگدا پنج وگے رقبہ ہک کارخانے دار کول بیچ ڈتا، جنیں ایندے اتے چڑ  
 صاف کرن ڈا کارخانہ لایا۔ کارخانہ چالو تھیا تاں ایندے گندے پانی کوں ضائع تھیندا ڈیکھ ٹھیکیدار کوں ہک مسجھی  
 بی مفت پانی نال پورے ڈہ وگے رقبہ تے روٹی شروع کر ڈتی۔ ایں پانی دے لگن دی دیر ہئی جماڑیاں دے وچ فصل  
 تاں خیر کیا تھینوئی ہئی کوئی ساوا تیلہ تک نہ رہیا۔ سوائے ہک پرانے پیل دے۔ پر اچ تاں پیل وی رنگ بدلانی کر  
 ہا۔ کتھائیں ایندیاں پاڑاں کوں وی گندہ پانی تاں نہیں کھا گیا۔ ساول کی تاں حیاتی کی۔ کتھائیں اکیوں وی سوکڑا  
 تاں نہیں لگ گیا۔ پر اے کینویں تھی مسجدے۔ مالو کوں یاد آیا جو پیل دیاں پاڑاں تاں کھوہ دے اندر تائیر  
 اوندے پانی نال ونج رلیاں ہن، ایندا مطلب اے جو کھوہ دا پانی وی گندا تھی گئے۔ ایں خیال دے آندے ای اور  
 کھوہ والے پاسے دید بھنوائی تاں اے ڈیکھ تے حیران رہ گیا جو ہک ساوا کچوچ پیل کھوہ دے گل وچوں سرکڑی  
 کھڑے۔



مجید ناشاد

کو ”سرائیکی“ سہ ماہی رسالہ کا ضلع لودھراں کے لیے نمائندہ  
 خصوصی مقرر کیا جاتا ہے۔ ان کے ساتھ رابطہ کے لیے مندرجہ  
 ذیل پتہ نوٹ فرمائیں۔۔

مجید ناشاد۔۔ دفتر روزنامہ ”کارنامہ“۔ لودھراں



## کجھ گالھیں شاعری بارے

ارشاد تونسوی

شاعری کیا؟ ایندا بندے دے حقیقی مسائل نال کتنا تعلق؟ کیا شاعری محض لفظیں دی کھلے؟ ایہو جھیں بہوں سارے سوال ہن جیڑھے بندے دے ذہن ء چ آندن جیڑھلے او شاعری یا آرٹ دے بارے سوچیندے۔ کیوں جو بظاہر جیوٹ دا جیڑھا عام ورتاراء۔ بندے دے جیڑھے عام سکھ رہن اونڈیاں جیڑھیاں عام خُشیاں رہن، جیڑھیاں چیزاں اونکوں آرام ڈیندین، انھیں دا تاں کئی سمبندھ شاعری نال نہیں بندا۔

ہک سائنسدان، ٹیچر، ڈاکٹر، مستری تے کاریگر دی سمجھ آندی ء جو سوسائٹی ء چ کوئی نہ کوئی مفید کم کریندے، جیندے نتیجے ء چ ساکوں سکھ ملدے۔ ہک کاریگر پلنگ پھیندے تاں جو رات کوں ساکوں چنگی زندر آوے۔ ہک سائنسدان ریڈیو ایجاد کریندے تاں جو ساکوں باقی دنیا دیاں خبراں ملن۔ پلنگ آرام وہ ہوٹا چا پیداء جو ساکوں سوکھ ملے، پر پلنگ دا خوبصورت ہووٹ دا بظاہر ساڈی مندر نال کئی تعلق نہیں، تاں وت اسان ششیں دے بہتر استعمال دے نال نال انھیں کوں سوہنا وی ڈیکھن چاہندے ہن آخر کیوں؟ اے ایجھا سوال ء جیندا سائنس کنوں کئی جواب کوئے نی۔ اے راز پر آرٹ دا مسئلہ ء۔ سٹہپ صرف صرف بندے دی لوڑ ء۔ منجھ کوں تاں ایس گالھ دی ضرورت نہیں جو اوندی بندر کتنی سوہٹی یا گھوڑے دے سنبھ کتنے سوہٹے رہن، اے گھوڑے دا مسئلہ وی نہیں۔ پر اے بندے دا مسئلہ ء جو اونکوں تن کچن کیتے صرف کپڑا ضرورت نہیں، کپڑے دا سوہٹا ہووٹ تے چنگاں سیتا ہویا ہووٹ وی اوندا مسئلہ ء۔ اینویں جیوٹ دا مسئلہ ء کیا بندے کوں چیزیں دی تھوڑیا انھیں دی زیادتی خوش رکھ سجدی ء کیا بندہ محض اچھا فکر کھا کے زندہ سجدے، اچھی موسیقی اونکوں خوش نہیں کریندی۔ بندے کوں پالے کنوں بچن کیتے صرف گرم کپڑے دی لوڑ ء یا اوندا چنگاں سیتا ہویا ہووٹ وی ضروری ء۔ کہیں پہاڑی چشمے کوں ڈیکھ کے صرف اوندے نال ساکوں اپنی ترمیم لہاوٹ دا خیال آندے یا اوندے ڈیکھن نال خوش دے کئی



پئے جذبے وی ابھروں؟

کیا کھجی داک جھنڈ ڈیکہ کراہیں محض پنڈ کھاوٹ دا خیال آندے؟ تاں اتھاں اے سوال ضرور ابھردے جو کیا بندہ ایہو کجھ جھڑھا ساکوں بظاہر نظر آندے۔ جیکوں کھاوٹ کھتے مگر چاہیدے، پاوٹ کھتے کپڑا چاہیدے تے سمھن کھتے پلنگ چاہیدے، پر اسان ڈہدے ہیں جو اوکوں مگر کھتے صاف تے سوٹا تھاں وی چاہیدے جھنڈے، چ اوکھاٹا رکھ کے کھاوے۔ کپڑے دے نال اوکوں سوٹا سیتا ہویا دی ہوٹا چاہیدے۔ تاں ساکوں محسوس تھیندے جو بندے دے اندر ہک پیا بندہ وی موجود، جھنڈیاں ضرور تاں پہلھے بندے کنوں دکھریاں ہن۔ او ڈوجھا بندہ جھڑھا لکھا ہوئے، جھنڈے آتے اسان اکثر توجہ نہیں کریندے، شاعری یا آرٹ اوں Neglected بندے دا مسئلہ۔ دنیا دے سارے فنون لطیفہ موسیقی، مصوری یا شاعری اوں اندر دے بندے کوں سمجھن سانگے وجود، چ آئین۔ اس واسطے اے بندے دے اندر دا مسئلہ، اے اوندا روحانی مسئلہ وی ہے تے جمالیاتی مسئلہ وی۔

شاعری دا جمالیاتی پہلو:-

انسان ابتدا کنوں یا جنت کنوں نکلتی کنوں اچ تئیں مسلسل اپنٹے گرد و پیش کوں خوبصورت تے سوٹا ڈیکھن دی جدوجہد کریندا آندے تے چیزیں کوں اپنیاں لوڑاں مطابق شکل ڈیوٹ کھتے چیزیں دی ماہیت جانٹ ہوں ضروری۔ اس عمل، چ ہر قدم تے اوکوں نویں انکشافات تھیندن، نویں تجربے حاصل تھیندن تے نویں روشنی ملدی۔ اس روشنی، چ او چیزیں کوں پرکھن دے نویں طریقے، گولیندے۔ اوں دے نال نہ صرف اوندا گرد و پیش بدلے بلکہ اوں دے اپنٹے اندر وی تبدیلی آندی۔ اوکوں چیزیں دی Quality دا پتہ چلے، جھنڈے نال اوں دے اجتماعی تے انفرادی شعور، چ ودھا تھیندے۔ جھنڈے نال اوں دی شخصی ترقی Development تھیندی۔ اے مسلسل عمل جتھاں چیزیں، چ عددی Quantitative تبدیلی آئیندے، اتھاں Qualitative تبدیلی وی آئیندے یعنی چیزاں معیاری ہوں۔ چونکہ اے سب کجھ آدمی اپنٹے ماحول، چ بہتری کھتے کریندا پیا ہوندے۔ اس آکھوں جو او اپنٹے اچ کوں اپنٹے کل کنوں سوکھا ڈیکھن چاہندے تے اے سوہو اوندا اپنٹے ماضی تے اپنٹے گرد و پیش دا تقابلی مطالعہ ہک پورے جمالیاتی نظام کوں تشکیل ڈیندے تے اے مطالعہ جتنی دیانتداری نال

کینا دیسی 'اونڈا ارج اتنا خوبصورت ہوسی۔ ایندے نال نال اے ارج اوندے آونڈ آلے کل دا ماضی وی ۛ۔  
 ارج دی خوشی کوں کل دی خوشی بناون کھتے اپنے پچھلے تجربے دا تسلسل وی چاہندے، 'جیندے کھتے  
 اوکوں ہر وقت اپنے آپ کوں باخبر رہنا پوندے تے اپنیاں بچھلیں کامیابیاں دا مسلسل رے کارڈ رکھنا  
 پوندے تے او ریکارڈ اوندے شعور ۛ۔ چیزیں کوں پرکھن دا ڈاھ ۛ۔ اے ڈاڈو طراں داھ ہک علمی تے ڈوجھا  
 فنی۔ شاعری دا تعلق ڈوجھے طریقے نال ۛ۔ شاعری بندے دے اندر منہپ دا ہک پورا نظام وضع کریندی  
 ۛ۔ آونڈ آلے کل دے خواب ڈیندی ۛ۔ آونڈ آلی کل دیاں خوبصورتیاں کوں بشارت دی شکل ۛ چ  
 بندے دے سامھنے گھن آندی ۛ تاں جو آونڈ آلے کل دا کراڈ اوندے کھتے آسان تھی ونجے۔  
 جمالیات دا اے سارا نظام ساڈے پچھوکڑ نال جڑیا ہویا ہوندے۔ تمام فنون لطیفہ شاعری سمیت ساڈی  
 بچھلیں نسلیں دی کامیابی یا تجربے کوں اگلی نسل دو ورثے دے طور تیں منتقل کریندے تے اے ورثہ  
 جتنے سودھے تے سوہنے طریقے نال اگلی نسل کوں پھجسی اتنا اوندے کھتے اگوں دا رستہ سکھاتے سوکھا  
 نہیسی۔ ہن جے تاں چرخہ اپنی دھی کوں ڈاج وچ ڈیو تاں اوکوں کتھاں چاکے ٹری۔ ہن تاں محض  
 اوسھلیں تے رکھیا ہویا ڈیسی یاوت شاعری ۛ چ کہیں لطیف علامت دے طور تے نظر آسی۔ پر چرخہ  
 ساڈے اجتماعی لاشعور ۛ چ زندہ راہسی۔ اے گالھ تاں طے ۛ جو بندے دا سکھن دا عمل تاں ہمیشہ  
 راہسی تے سکھن دی تعلیم ۛ چ تاریخ لکھن وی شامل راہسی تاں ریت وی کہیں نہ کہیں شکل ۛ چ  
 لڑی راہسی۔ شرط اے ۛ جو بندہ اے سیارہ نہ چھوڑ ونجے۔ تاں کیاوت اے ریت نہ ٹری؟  
 بندہ اپنے ماضی نال اپنی ریت دے حوالے نال جڑیا ہوئے۔ چونکہ ساڈے کولوں "عبرانی روایت"  
 زیادہ مضبوط ۛ ایں واسطے اساں بندے کوں دل مٹی ۛ چ پور ڈیندے ہیں۔ مٹی دی امانت دلا مٹی کوں  
 اے ڈیندے ہیں۔ ساڈن دی روایت ہن ساڈے کولوں مک بگئی ۛ۔ ایں واسطے ساڈی نویں شاعری ۛ چ  
 مسوان دا لفظ ورتیجن مک گئے۔ قبر ہن ساڈے اجتماعی لاشعور وچ کلھی رہ بگئی ۛ۔ مسوان ہن لغت وچ  
 لاسکی 'لغت وی دراصل لفظیں دا قبرستان ۛ۔

گالھ کہیں پئے پاسے ٹر گئی ۛ۔ اساں گالھ پئے کریندے ہاسے روایت دی تے روایت وی ساڈی  
 جمالیات دے دن تن ۛ چ بہوں وڈا رول ادا کریندی ۛ۔ روایت دا سب توں وڈا سمبندھ شاعری نال ۛ۔



اپنے وڈوڈیریاں دیاں تمام کامیاہیاں جیڑھیاں جیوٹ کون سوہٹاتے سکھا کرٹ وچ انھیں حاصل کیتیں، انھیں کون اہلیاں نسلاں تیں پچاؤن ۽ چ جیڑھا رول شاعری دا ۽ او پئے کہیں فن دا نہیں۔ موسیقی، مصوری تے پئے باقی فنون گنگھے ہوندے جیکر انھیں دے پچھوں شاعری نہ کھڑی ہوندی۔

شاعری دا روحانی پہلو:-

کہیں حد تیں اے گالھ اسان سمجھن ۽ چ کامیاب تھئے ہیں جو سٹھپ بندے دا روحانی مسئلہ دی بندے۔ کئی بہوں ودھیا عطر تیل آلی کچی وچ پا کے کہیں کون پیش کیتا ونجے تاں اوندی خشبودی خاصیت تاں اونویں راہسی پر پیش کرٹ آلے کون اتنی خش نہ تھیسے جتنی جے او کہیں بہوں سوہٹی شیشی وچ ڈالی ویندی۔

خوبصورتی، تناسب تے توازن محض اکھ دا مسئلہ نہیں بلکہ پورے آدمی دا مسئلہ ھ۔ آرٹ یا شاعری کئی فلسفیانہ آدرش نہیں رکھدے تے نہ اے شاعری دا مسئلہ ھ۔ اونویں تاں شاعری نہ پڑھیے بغیر وی زندگی گزر ویندی ۽ تے بہوں سارے بندے اینکوں وادھو وی سمجھدن تے اپنے دعوے ۽ چ اواتے غلط وی نہیں، کیوں جو اسان ہر چیز نال اوند افا دی پہلو اپنے آگوں رکھیا ہویا ہوندے۔ عقل تے دلیل جیڑھی شے کون چنگاں سمجھدی ۽، اسان او گالھ من گھندے ہیں۔ ایہا گالھ ۽ جو تمام مذاہب دی بندے کون کجھ بشارتاں ڈتیاں ہوئیں تاں اسان انھیں کون من گھندے ہیں پر زاہد تے عابد لوک اپنی عبادت وچ کڈا ہیں کڈا ہیں اوں مقام تے چ ویندن جو انھیں کہتے آگوں دا کئی وعدہ یا بشارت عبادت دی ترغیب نہیں بڈی، بھل جو انھیں دی ذات دے عرفان دا سبب بڈی ۽۔ ”شاعری جزو نیست از پیغمبری“ شاید ایہو جھیں موقعی واسطے آکھی گئی ۽۔ عرفان ذات دے اس سفر ۽ چ شاعری دی لوڑ پوندی ۽۔ او سفر معین الدین چشتی کون درپیش ہووے یا عثمان ہارونی کون

”نمی دانم کہ آخر چوں دم دیداری رقصم“ نہ جانڈیں ہوئیں وی نہچن زندگی دی کہیں مادی تسکین دے حصول دا سبب کائے فی۔ ناچ ڈیکھن آ لے دے نال نال نہچن آ لے دا وی تاں کئی مسئلہ بڈا پئے جیڑھا اونکوں نہچن تیں مجبور کریندا پئے۔ یقیناً اے اوند اکئی روحانی مسئلہ ۽۔ کئی اینجھیں گنڈھ جیڑھی نہیں پئی کھلدی۔ کئی اینجھیں ترنگ ۽ جیڑھی اونکوں نہچن تے مجبور کریندی ۽۔ ایہیں ترنگ ۽ چ او



نہیں ہوئیں اپنی ذات دی کہیں اہنجھیں چھپی ہوئی خواہش دی تسکین چاہندے جیڑھی اوکوں عقل  
تے دلیل سمجھا نہیں سگی۔ سائنس دی ڈتی ہوئی کئی مادی سہولت اوکوں خشی نہیں ڈیندی تاں وت اوکوں  
اپنی ذات دے اندر جھاتی پاوئی پوندی ء تے اوکتھاپیں ہوں جھکے تے کجھیں زمانیں ء ج اپنی کہیں  
ادھوری خواہش کوں لبھن دی کوشش کریندے۔ گھپ اندھارے ء ج ڈیکھن دی خواہش۔۔۔۔۔ کیا  
ایں خواہش دے پورے تھیون داکنی عملی ذریعہ ھ؟

سیانے آہن جو تہاڑی ادھوری خواہش ہمیشہ ادھوری راہسی، اوندے پورے تھیون داویلا اوہو ہا  
جیڑھے ویلے او خواہش جی ہی۔ تے ہن اے ادھور ہمیشہ اوندے نال راہسی۔ اسان قصہ کیوں سنڈے  
ہیں؟ قصہ گھتن ساکوں کیوں چنڳاں لگدے، کیوں جو اسان کہیں ویلے وی کلھے نے رہن چاہندے۔  
چپ ساکوں ڈیندی ء۔ چپ ساڈے اندر دے بھو پاہر کڈھ آندی ء۔ اندھارا ساکوں اپنے  
چدھار کنوں انج کر ڈیندے۔ اسان ہک پے دے نال ایں واسطے وی جڑیے راہندے ہیں جو اسان موت  
کولوں ڈروپے ہیں۔ اے گلہ کتھاپیں ساڈے لا شعور ء ج پہہ گئی ء۔ جیکر اسان اپنے ساتھ کنوں وچھڑگیو  
سے تاں ساکوں بلائیں کھاویسن۔ ہن ایں ڈر یا بھو کئی شکلاں بنا گھلیں۔ وچھوڑا وی اوندی ہک شکل ء  
۔ پر کئیں کنوں وچھوڑا.....؟

اے ہک سوال ء۔ ڈوجھا سوال موت داء، فنا۔ تمام مذاہب ایں خوف کوں دور کرن دی ہوں  
کوشش کیتی ء پر بندہ فنا دے خوف توں نکل نہیں سگیا۔ او اپنی بقا دے ہوں حیلے جوڑیندے، اوندی  
اپنی نہ ی سہی، چلو اوندے نال دی بقا، اوندی نسل دی بقا۔ کتنے لوک ہن جیڑھے ایں یقین نال مردن  
جو اسان امر تھی گئے ہیں.....؟

آدم کنوں ایں دم تائیں اسان اوں جنت کوں لبھدے ودے ہیں جیڑھی ساکوں ایں سارے بھو  
کنوں بچا گھنسی.....!

اسان ایندے کھتے کتنے بان مرندے ہیں تے اوندے نتیجے ء ج اسان کیا تھی گئے ہیں۔ فطرت  
دی اے ساری پراسراریت کتھاپیں ساڈے اتے کھلدی کھڑی ء۔ ساڈی بے بسی، جبر تے اختیار دے  
سارے مسئلے وی دراصل اوں ازلی بھو داحصہ ہن۔ جنت، وصل، وچھوڑا سب دی بکوری وجہ ء۔



ساڈے گزریے ہوئے تے آوٹ آلے کل دے درمیان جیڑھا اچ دا پل ۛ۔ ایہو ۛ ی ساڈا جیون ۛ۔  
 اینکوں اپنے آوٹ آلے تے گزریے ہوئے کل نال کینویں جو ژیندے ہیں ایہو ۛ ی ساڈی زندگی کرن دا ۛ۔  
 ۛ۔ ایس ہک پل دے کتنے تقاضے ہن 'ساڈے تن دے تقاضے کنوں انج..... ہک لمبے پندھ دے  
 پاندھی وانگ 'پندھ جیڑھا لمبا وی ۛ تے اٹ ۛٹھاوی۔ اینکوں روپٹ کے تاں نئے گزار سبکدے۔ پر ایں  
 سچ کوں من و واسطے وی اسان تیار کوئے نی۔ جو جتھاں ایندا انت تھیندے بس اتھاہیں اسان پچھتے۔ تمام  
 مذاہب تے آدرش ایہو کجھ ڈسیندن۔ اسان اینکوں منہندیں ہوئیں وی ایں ڳالھ کوں نہیں منہندے  
 ایں انت کنوں ڈردے ہیں۔ ساڈے اندر کتھاہیں شک ۛ۔ کئی ڳالھ حالی تیں پردے وچ ۛ۔ اسان اپنے  
 خوابیں وچ اپنے خیالیں وچ آوٹ آلے کل دے بارے سچیندے ہیں۔ اوندے گزارٹ دے منصوبے  
 ہیندے ہیں۔ کڈاہیں ول گزریے کل دو ڈہدے ہیں۔ تاں ساکوں لگدے جو ول پچھوں تے ول ونجوں  
 او ویلا ساکوں ہکلاں مرندے۔ اسان خوابیں وچ اڳوں دی کہیں سک دا اظہار کریندے ہیں۔ تاں دی  
 اے کڈاہوں گزریے ہوئے ویلیاں دے وچ لگدی ۛ۔ یعنی ہک تانگھ ۛ ہک سک جیڑھی ساکوں  
 پچھوئیں سڈیندی کھڑی ۛ۔ اسان اپنے ایں فسٹلجیا کوں کڈاہیں پرانے گتھیں وچ لبھدے ہیں۔  
 کڈاہیں کہیں ملدے جلدے جائیں کوں پینٹ کر کے اسان ایندا اظہار کریندے ہیں۔ تے اسان اپنے کل  
 کوں کہیں نہ کہیں طراں اپنے اچ نال جوڑٹ چاہندے ہیں۔ بعض اوقات اسان اپنے آوٹ آلے کل  
 دے سدیں نال جوڑٹ پئے ویندے ہیں۔ تاں اینویں ساکوں ہک لمحے دے ہزارویں حصے ۛ وچ او جنت  
 نظر آندی ۛ جیندے ۛ پھوں ساڈے ڈاڈے کوں کڈھ ڈاگیا۔ ہک لمحے دا روحانی تجربہ پورے آرٹ دی  
 بنیاد ۛ۔ اتھاہیں اونکوں تمام صحیفیں دی سچائی دا یقین تھیون پئے ویندے۔ اتھاہیں اونکوں اپنی صلیب  
 دی عیسیٰ دے مونڈھے تیں لگدی ۛ۔ ممکن ۛ بعض لوکیں کہتے اے گمراہی ہووے۔ او مذہب کوں  
 اوندے صحیفیں کوں منہندا وی نہ ہووے۔ پر اوندے کہتے وی اوں لمحے دے ہزارویں حصے دی سچائی دا  
 یقین ہوندے۔ رقص کوں نہ ڈیکھنٹ آلا بندہ وی سچا تھی سبکدے۔ پر کھل کے نہ بچ سبکجی دی لذت دا  
 شاید اونکوں کڈاہیں وی اندازا نہیں تھی سبکدا۔ شاعر کوں جادوگر آکھنٹ آلے وی "مبعہ معلقات" دے  
 مقابلے وچ کئی اوں کنوں وڈی آیت کوں ۛ ی کعبے ۛ وچ منگن دی اجازت ڈے سبکدے ہن۔ شاعری دی

چائی دا اتھوں وڈا اظہار پیا کیا ہوسی۔

ہا، البتہ اے سیانے دا مسئلہ جو آگوں شاعری دی کیا شکل ہوسی۔ کیوں جو آونٹ آلے کل دے

خاب دی تاں اتنے سدھے سادے کائے نہ ہوسن۔

اے گالھ جو شاعری اپنے اندر کئی وڈا آدرش رکھدی ۽ یا کہیں پھوں وڈے مقصد کہتے شاعری کیتی  
ویندی ۽ تاں ایس گالھ دا حالی تئیں فیصلہ فی تھی سبجیا۔ سارے سیانے ایس گالھ دے حق وچ کائے فی جو  
شاعری کوں کہیں مقصد دا حصہ ہووٹا چاہیدے۔ بہر حال جے کئی شاعر اے سمجھدے جو اوندے اتے کئی  
بھوں وڈی ذمہ داری ۽ تاں وت ساکوں اوندے تے اوندے ایس مقصد نال کئی غرض کائنی۔ جے او  
شاعری کوں کئی سیاسی کم گھنٹ چاہندے تاں اوسدھا سدھا سیاست دان کیوں نہیں بن ویندا۔ کیا شاعری  
، آرٹ بذات خود کئی مقصد نہیں؟

بہر حال ایندے اتے وی ساکوں اعتراض کرن دی اے جیڈپی لوڑ کائنی کیوں جو آرٹ دا کم جے  
بندے دے اندر دیاں گنڈھیں کھولن ۽ تاں کئی یقین کئی بشارت تاں اوں ویلے وی موجود ہوندی ۽  
جیڈھے ویلے کئی شاعری کریندا پیا ہوندے۔ سارا آرٹ ایس یقین تے بشارت داناں ۽۔ ایندے پچھوں  
اوندی طلب کتنی چچی ۽۔ ایہا طلب ۽ ی شاعری دی پرکھ ۽ تے ایہا طلب ۽ ی شاعری دی لوڑ ۽۔





## خواجہ غلام فرید

شفیق الماس - لودھراں

خواجہ غلام فرید سرائیکی وسیب دے چانو پچھانو شاعر ہن۔ بلکہ اے وی آکھیا ونج سبکدے جو موجود سرائیکی ادب دی بنیاد ہن۔ اور بنیادی طور تے صوفی منش شاعر ہن تے تصوف ء ج ابن عربی دے نظری وحدت الوجود دے قائل ہن۔ انھاں دی شاعری وچ جابجا اللہ رب العزت دیاں شانناں دا ذکر ملدے۔ عشق حقیقی دے مرتبے تے فائز تھیون پاروں او اپنی نظر نال جو کجھ وی ڈیہدن۔ اوندے وچ انھاں کوں رب سوہنے دا جلوہ دسدے تے ایسا گالھ انہاندی شاعری دی اساس ء تے انھاں دی شاعری کوں نوہکلا روپ دیندی ء۔ مثال دے طور تے انھاں دے اے شعر ملاحظہ کیتے ونجن تاں انسان اے محسوس کرسبکدے جو اے شعر آکھن ویلے شاعر سرور تے لطف دے کیڑے مزے گھندا پیا ہوسی۔

بن دلبر شکل جہان آیا

ہر صورت عین عیان آیا

کل وچ کل شے ظاہر ھ

سوہنا ظاہر عین مظاہر ھ

خواجہ غلام فرید دی شاعر عشق حقیقی دا مظہر ھ۔ ذات الہی نال انھاں دا عشق ایڑا ہا جو اوسوائے محبوب حقیقی دے بی کوئی شے ڈیکھن واسطے تیار نہ ہن۔ بلکہ انھاں تاں آپنے عقیدتمنداں کوں وی ایہو درس دتے جو او مظاہر فطرت ء چ خالق حقیقی دا عکس محسوس کرن تاں جو انھاں دا اپنے رب نال حقیقی تے پکاساں گا جڑ ونجے۔ انھاں دی اے کافی سنن دے ویلے طالب حق دنیا وی حقیقت بھل کراہیں ذات باری نال تعلق محسوس کریندے۔

ھ عشق دا جلوہ ہر ہر جا

سبحان اللہ سبحان اللہ

روہی ایمن ، تھل دے چارے  
جھٹھاں بروچل کروں نظارے  
گکڑے ٹبڑے رہن کوہ طور

روہی نال محبت دا ہک بیا انداز انہاں دی شاعری وچ مختلف ریتاں دے حوالے نال ملدے۔ خاص طور تے روہی دی ثقافت دی جھلک انہاں دے کلام وچ واضح طور تے دیکھی وینج سیکدی اے۔ حوالے دے طور تے اے کافیاں آپنے اندر لطف دی ہک عجیب کیفیت رکھدین۔

وچ روہی دے رہندیاں نازک چٹیل  
آئے مست پُسیاڑے ساوٹ دے  
آ چٹوں رل یار پیلوں ہکیم نی دے

روہی دے حوالے نال خواجہ صاحب دی شاعری کوں جتنا وی پیش کیتا ونجے گھٹ اے۔ کیوں جو انہاں دا جم پل تے حیاتی دا عرصہ اتھائیں گزران ریہا۔ تہوں انہاں کوں نہ صرف اتھوں دے انساناں نال رل مل رہی دا موقع ملیا بلکہ اتھوں دے ڈھور ڈنگرتے ڈوجھیل جانوراں نال وی وہ پوندا ریہا۔ خواجہ صاحب نے اپنی شاعری وچ موقع دی مناسبت نال انہاں دا ذکر وی خوب کیتے جیویں جو۔

تڈڑے چمکن ، بکیرے گھوکن  
جرکاں ترکھاں لونہڑ کوکن  
گوہیں شوکن ، سانھے بھوکن  
نانگیں دی شوں شوں ھ یار  
یا

سہنس چکور ، چندور پیہے  
شاعل گیت سٹاؤٹ دے

خواجہ صاحب دی وچھوڑے دی شاعری آتے وی روہی دی ثقافت دا اثر ڈسدے۔ انہاں دی وچ ہونے دی شاعری دی سب توں وڈی خصوصیت میڈے خیال موجب اے وی ھ جو انہاں ایندے وچ

باوجودیکہ خواجہ فرید صوفی شاعر ہن پر انہاں دی شاعری وچ اوں ویلے دے حالات 'حب الوطنی' خور  
داری تے روہی دی پسمنڈگی بارے ہوں کجھ مللے تے انہاں دی شاعری رساں رواجاں تے ریتل دا  
مجموعہ وی ہے۔ خواجہ فرید نے اپنا ذریعہ اظہار صرف سرائیکی زبان کوں فی بنایا بلکہ ہندی 'سندھی' پنجابی 'اردو'  
عربی 'فارسی' دے الفاظ تے مصرعیاں دا استعمال انہاں دی شاعری کوں چار چندر لاڈیندے۔

نواب آف بہاول پور، خواجہ فرید نال خاص عقیدت رکھندے ہن۔ خواجہ صاحب دی انہاں  
واسطے ہمیشہ دعا گو رہندے ہن۔ پر خود داری تے جذبہ حب الوطنی دی وجہ توں او ریاست اتے انگریز مشیراں دا  
تقرر اپنی آزادی اتے شب خون سمجھدے ہن۔ این گلہ کوں انہاں ایں طرح نواب آف بہاول پور کوں  
سمجھائے۔

صبح صادق خاں صاحبی مانیں  
پاسرے گانے گانیں  
سہجوں پھلوں بیج سہاتوں  
بخت تے تخت کوں جوڑ چھکاتوں  
اپنی نگری آپ وساتوں  
پٹ انگریزی تھانیں

خواجہ صاحب دی وطن نال محبت دا اظہار انہاں گلہاں توں وی تھہندے 'جو انہاں اپنی شاعری دیا  
دھرتی دا ذکر مختلف حوالیاں نال کیتے۔ روہی تھل دماں دیاں محرومیاں دا ذکر ایں انداز وچ کیتے جو انہاں  
محرومیاں اندرونی ہک حسن پیدا تھی گئے۔

تھیاں روہی مہنگہ ملہاراں  
کل گل گلزار بہاراں  
وچ ہوندیاں گھنڈ تنواراں



ویب دے استعمال تھیون آلے زیورت ہار سنگھار دا وی ہک نقشہ سامنے آئیے۔ ایس پاروں نہ صرف و  
چھوڑے دی کیفیت واضح تھی بلکہ قاری کوں روہی دے مروجہ (اوں دور وچ) زیوراں توں وی آگاہی  
تھہندی ہے۔ ایندی مثال تلوں شعراں وچ بڑھی ونج سبکدی ہے۔

بولا ہنسو کس نوں پاواں  
ڈھولن کھتم نامنظور

یا  
جیں ہنسہ دیاں دل بگڑیاں تانگھاں  
اُجڑیاں سُرخیاں ' مہندیاں مانگھاں  
بولے بنے ہنسو چور  
یا

بھاگ سہاگ سنجی توں رٹھڑے  
ہار حملاں گانے ترٹڑے  
ٹوٹے ہانہ چوڑیلی دو یار

مکدی گالھ اے جو خواجہ غلام فرید دے کلام کوں کئی حصیل وچ ونڈیا ونج سبکدے تے ہر حصے اتے کئی کئی  
کتاباں لکھیاں ونج سبکدن۔ خاص طور تے اے عنوانات تاں خواجہ فرید دی شاعری دا لازمی حصہ ہن۔ مثلاً  
وحدت الوجود، حسن، عشق، معرفت، تصوف، چھوڑا، رجاہیت، دھرتی نال پیار، روہی دی ثقافت، اللہ تے  
رسول نال عشق، بزرگان دین نال محبت، خود داری دا تذکرہ انہاں دی شاعری وچ جاء جاء تے کھنڈیا پے۔  
صرف ایس گالھ دی ہن لوڑ ہے جو کئی ایہو جیہاں بندہ ہووے جیڑھا انہاں موضوعات اتے کھل تے لکھے تاں جو  
ساڈی موجودہ تے آوٹن آلی نسل تیں خواجہ صاحب دے کلام دا صحیح مفہوم پہنچ سکے تے او ایس کلام وچ لکے  
ہوئے پیغام کوں سمجھن جو گے تھی و نجن۔



## سیت دے رودھے

عبدالباسط بھٹی

ہیں ساوٹ دی گالھ ۛ، مست ڈیساڑا ہا۔ اسان تے بدلے، پورب ماڑ ڈکھن دے۔ کجے بھورے  
 سو سو وٹ دے۔ بھینگ بھینگ مینہ، وا پورب دی گھلے، ٹھڈڑے جھولے کوئل پوے، ڈیوے رولے  
 چھڑوا گے جھڑبک ونجے ہک آوے۔ لکھ گڈ تھیون پل ۛ چ کانو کان۔ گڈ تھیون تاں دھوں اندھار کار  
 کان تھیون تاں پرکھرا، ول اس تھیا جو بکروال آکھٹے تھئے، گجیے، ول ول گجیے تے رنج رنج دسیے۔  
 ٹھڑی روہی، ٹوہے تار متاراں، تے ٹپے، ٹپیل دے تن پئے، سوکاں خنکی چائی رونق آئی۔

میڈی منڈھ لادی عادت ۛ، ساوٹ لگے رت سہانی ہووے، مستانی ہووے، مینہ، دس پوے  
 پورب گھل پوے تاں میں گھر نہ بہسے۔ میکوں ملنا ہووے تاں ٹپیل تے آملو۔ محبوب سوار ہوندے  
 - رسی رسی ریت، ریت تے رڈے ساوٹی چھلے، ساوے پیلے لال تے نیلے۔ کھپوں لائی تے لانے من بھانے  
 - کرینہ تے مورے دھوتے پوتے۔ اکھیں ٹھارن من کوں بھاون روح رجاون۔ واہ قدرت دے  
 رنگ۔

گذریل ڈینہ دی گالھ ۛ، ساڈی دستی ساوٹ وٹھے تے رنج وٹھے۔ تھل چترانگ باغ بہاراں  
 روہی ریت دے کنڈے لکڑے پیلیاں ناں بہاراں۔ مولا ماڑوسایا۔ دل خوش نہال۔ جھوکاں آباد تے ٹار  
 - مال مست مدام۔

میں کلہا سب توں اُچے ٹپے دی ٹوٹی تے بیٹھا ہم۔ مینہ کھڑ گیا ہا پر مست ہوا دے جھولے  
 اتویں ہن۔ بے تیں دید پوندی نظر دیندی نکڑے نکڑے ٹوہے چھوٹے چھوٹے ڈھورے۔ مٹی دیاں  
 مہکاراں۔ مستی مستی جو کوئی سدھ نہ پوے۔ ہک داری بکروال دلا ولے۔ جھڑ گیا۔ دھرتی ہلی۔ کالے  
 رن بدل سرتے آئے پر سرتوں لنگھ گئے۔ کہیں بے گوٹھ۔ میں موسم دی مستی ۛ چ مست قدرت دے  
 نظاریاں ۛ چ گم بیٹھا ہم۔ کیا ڈہداں میں جو میڈے نکلے لاداسگی رحیم نائی میڈے سرتے آیا کھڑے۔  
 رحیم کیا آیا جیویں بلہن میڈے آگوں آگیا ہووے۔ اوہے ٹپے اوہے جانیں جتھاں چاریاں بکریاں تے



گائیں۔ میں حیران تھم رحیم دامنہ لٹھا ہویا۔ ڈکھار اتے مونجھا۔ ابجھل مونجھا جو میں کڈاہیں اوکوں ایویں نہ ڈٹھا۔ میں انھی بھاکل پاتم تاں او ڈسک پیا۔ ”خیر تاں ہے کا کا؟“

میں پچھا تاں پر پر ہنجوں۔ میں کنڈ تھی حوصلہ ڈتا۔ تاں اوں میڈے منہ دو ڈٹھا پر سک ۽ چ گوئے کیوں پوئے۔ رحیم دا حال حویلا وی سنو۔ میڈے نکے لا دا بگی، ہکے چوئے دا چیلہ۔ اچکل سارے موضعے دا ناں آپ دی ناں پو ڈاڈا دی ناں۔ ساڈی وستی ہکا۔ ساڈا گھر اپنا پر رحیم دانہ کوئی رٹ نہ تاڈا نہ کھو نہ کھاڈا۔ اپنا نہ پو مادا۔ تر بھھی پیڑھی زیلدار دے رقبے ۽ چ ٹٹھی ۽۔ ساڈا بلہن گڈ گڈ ریئے۔ رحیم چار ڈہاڑے سکول وی آیا ہا پر بھج گیا۔ اسان کٹھے بگجیل کھپیاں۔ جہا ہریں ہکلیں۔ صادق واہ دیاں سادیاں تے مرن اراں دی واڑی ۽ چوں خبروزے پٹن اچ وانگوں یاد ۽۔ میڈے اُبے مٹی دا زمیندارہ تاں چھوٹا موٹا ہا پر گذر گذران سکھی ہئی۔ وس وسیب ۽ چ نک نموز بٹی بٹائی وی ڈھیر ہئی۔ میگوں پڑھائی دا شوق ہاتے ایہو شوق نوکری تیں گھن آیا۔ دل اسان اپنے اپنے روہیماں ۽ چ رجہ گیوے۔ پر جڈاں وستی اندر ہم تاں رحیم ہر حال ملدا۔ دل نال ملدا۔ نکے لا دیاں یاداں ان کھٹ خوشیاں۔ وڈے سن دے عذاب ڈکھ ڈکھڑے۔ ساڈے پو ڈاڈے دے ڈکھ سکھ سانجھے ساڈے وی رلے۔ ابا انھاں نال کان کٹر کھاندا ہا، میں ڈکھے سکھے ویلے رحیم دے کم آندا ہم۔ میگوں چنگی طرح یاد ۽ ساڈی حویلی جڈاں وی کوئی منت منوتی ہوندی، کوئی پرناں یا طور تاں رحیم دا ابا نہال سارے کم سنبھلندا۔ وسیب ۽ چوں کھٹاں بسترے کٹھے کرن۔ کانڈھے پچاؤن، دیگاں پکاؤن، دل پاتریاں پتروٹے دھوٹ توں گھن نیندر اگاڑن تیں جتا راہندا ساڈے اُبے دی چنگی راہدی۔ جڈاں چاچا نہال رضا تھیا تاں قل کندھانے اُبے بہشتی کیتے۔ رحیم نکے سن ۽ چ پر نیا۔ ابا مولیں تاں ساری کیتی کرتی ایندے سر۔ نکے نکے بال گھر چڑیا گھر۔ روزی اوہا ساری موضعے دیاں حجامتاں تے خط، صلہ سال دے دانے تے اللہ جانے۔ جیڑھے حال ۽ چ نہال گذاری، یارو! میں تاں بُبرے چ پے نگیم، چلو ساڈے یار نال تہاڈی جان سنان تاں تھی بگئی۔

میں رحیم دے کمانے چہرے دو ڈٹھا تاں اوں ٹھڈا شکارا بھرا اپنی ڈکھ وہانی سٹائی۔

”بھئی صاحب! منکیوں تاں پتہ ھ اُبے دے مرن دے بعد کیتی کرتی میڈے سر۔ نکے نکے پال



بھٹس بھراوی نال - سوچم ایس کم و چون پوری نی پوندی کوئی بی کار کر اس - ہتھ پیر مار زیلدار کنوں  
 ڈاہ وگے مستاجری گھن گھدم - پر سیت ہری قسمت سڑی - کپاہ نہ بنی - مستاجری دا نوڑ گل وچ -  
 زیلدار نال مکی ہئی - جو مٹھ فصل تے ڈیاں - ایہ تیں گالھ کر او سوچاں دے  
 گھان وچ پھس گیا - میں اوکوں گھان وچوں کڈھیا ہوش آیس تاں پولیا -

”مٹھ دی معیار آگئی - زیلدار مستاجری دا تقاضا کیتا - میں بکثرات آئیگم - گھر وچ نہ کوئی چھل نہ پتر -  
 کلے تے کھنگال جاں ہئی - گھر دی لسی رکھانے توں بھسے پئے جاسے - زیلدار جو آیا ہک کھتس نہ بنی  
 جاں کھول تے راہی - بالاں زاریاں کیتیاں بھر جانی تھبڑی پیریں پی پر اوں ہک نہ منی تے ویندا تھا - بھر  
 جانی تھبڑی سر چا بدھیا پال رو رو چپ کر گئے - میں وی سر آئیگم پر لسی کھتے ترس بیگوسے - پال سویلے  
 سویلے مگر چالوکان دے درتے ونج کھرن - ایہ کوئی نویں گالھ تاں نہ ہئی - پو ڈاڈے کنوں دستی آلیاں دا  
 نمک کھاندے آئے ہیں پر چار ڈیہاڑے اپنا دھنولا پی ڈٹھا ہا سے رووٹ آوے پر تھیوے تاں کیا تھیوے -  
 جاں تلے گالی ہئی ساکوں اوہا پچی - بالاں اوندے نال دل چالایا - بچدے ٹکر بھنوں تے ڈالا کھوا کھوا کاری  
 دے گھا کر کر گالی کوں دہڑ بٹا کھڑیونے - ایہ تیار تھی جو ڈہدیں سک لے - گوری جاں آلا ڈکھ بھل گیو  
 سے - سوچو سے وہڑا جھو ساوی تھی - کھیر پیوں - مکھن کھاسوں درتے مٹی دا گھپکار ہوسی -  
 ----- ”رحمن ولا چپ کر گیا سنگ وچ گولے پھس بیگونس - ڈکھارا تھی گیا - بولے پول نہ بگے -

”کاکا رحمن جوان بن یار - آخر تھیا کیا؟“

اوں تر تر میڈے منہ دوڈٹھا -

”کاکا! تھیوٹا کیا ہا - کل سویلے سویلے زیلدار رڑھ پھروا پھروا درتوں آنگھھے پھس دے“

رحمن آل اے یو وہڑ کیندی؟ عرض کیتم -

”مٹھ دا مال و سوہنا“ فٹ پولیا -

”بچی دوائے جوان پرسوں چھوہراں دیاں طہوراں ہن - کل برادری دی روٹی و - مٹاں بھندہ

کھٹ پووے - شاباس ایہا دہڑ دیرے تے پچائی آ“ -

”بھٹی صاحب! میکوں تاں مکھن سنگ گیا - بت وچ ساہ نہ رہا - سنوار آگئے - اکھیں آہوں

اندھارا' واہ سنبھی سیت ساڈی - پال گھاہ کرن گئے ہن - وہڑ کھول دیرے پچا نم - اچ نور حضور دے  
دیے ساڈی سیت تے کاتی پھر گئی ء -



## سہ ماہی فراست - بہاولپور



مجلس ادارت رسالہ سرائیکی کے جملہ اراکین ملک کے نامور شاعر و ادیب  
پروفیسر سہیل اختر کو بہاولپور سے ایک معیاری اور خوبصورت اردو  
انگریزی ادبی رسالہ جاری کرنے پر مبارکباد پیش کرتے ہیں - "فراست"  
کے پہلے ادارے کا اقتباس پیش کیا جا رہا ہے جو سہیل اختر کے عزام کا آئینہ  
دار ہے --- (ادارہ)

"ہم کوئی بلند بانگ دعوے تو نہیں کرتے - کوشش کی جائے گی کہ یہ  
رسالہ قاری کے اعتماد کو بحال کر دے اور ہم اس فورم سے اچھا اور  
خوبصورت ادب اس تک پہنچا سکیں - ہم کوشش کریں گے کہ "فراست"  
میں جو تحریر بھی شائع ہو وہ لائق اعتنا اور قابل مطالعہ ہو کیونکہ ادب کی  
ایک قدر یہ بھی ہے کہ وہ اپنا پیغام اس رنگ سے پیش کرتا ہے کہ وہ  
قاری کے دل کی دھڑکنوں سے ہم آہنگ ہو جاتا ہے اور پڑھنے والے کے  
ذہنی افق کو وسعت دینے کے ساتھ ساتھ اسے ایک روحانی سرور و مسرت  
اور بھت و انبساط سے بھی ہمکنار کر دیتا ہے -"

(سہیل اختر - مدیر اعلیٰ)



## محمد بخش نوروز دی شاعری

فدائے اطہر

ناں محمد بخش ہانے۔ پہلے بخش اتے دل نوروز تخلص رکھیونے۔ بہاول پور دے نواحی علاقے مبارک پور دی دستی کرانی دے واسی ہن۔ ۱۸۷۵ء وچ اتھائیں جے آتے ۱۹۱۷ء وچ وصال پتو نے آتے اتھائیں دفن تھے۔

غریب مایو دے پتر ہن۔۔۔ بلپٹن اِج ای یتیم تھی گئے۔ دستی کرانی دے ہک خدا ترسی زمیندار ملاں پیر بخش ہوراں ہمدردانہ طور تے پال سانہہ دا زمہ چاتا۔ اوں ویلے دے عالم بزرگ حکیم قادر بخش ہوراں کول تعلیم واسطے جلال پور پیر والے بھیج ڈتے گئے۔ حکیم ہوراں کنوں آپ مسیس سعدی دی گلستان ای پڑھ گئے۔ کیوں جو پڑھائی دا ایہ سلسلہ اگوں دونہ ٹر گیا۔ ایندے بعد انہاں دادھیان شاعری دو تھی گیا۔ حضرت خواجہ غلام فرید دے آکھن تے اپنا تخلص بخش کنوں نوروز رکھ گھدونے۔ انہاں دی سندھی شاعری اچوں نمونے دے طور ایہ ہک ڈوہڑا ڈیکھو۔

شوق شراب محبت دیاں میکوں گھٹیاں یار پلایاں

درمیانے وحدت والے سے سے چساں پایاں

میکوں قرب حقیقی دیاں بھرڈتیاں یار صراحیاں

بخش تنبور تھیا تن سارا جڈاں تاراں عشق ہلایاں

ہک عام روایت موجب نوروز حافظ فتح محمد ہوراں دے ہتھ بیعت کیتی ہئی۔ پر ڈو جھی روایت مطابق او اپنے استاد حکیم قادر بخش ہوراں دے مرید ہن۔ انہاں دی شادی بارے کئی گھڑیل گا لھیں مشہور ہن۔ کہنی جامپوری (سرائیکی شاعری) دے آکھن مطابق نوروز سٹری دستی دی ہک نینگر چھوہر کول پسند کرتے شادی کیتونے۔ جیندی فوتگی پچھوں فقیری اختیار کر گھدونے۔ ہک بئی اکھاوت اے وی ھ جو او دساں ناں دی نینگو نال عشق ءچ ناکامی سیبوں حقیقی عشق دیاں پوڑیاں چڑھن پئے گئے۔ جیر ڈھلے جو اے وی سچ ھ جو



انہاں دا شرعی نکاح انہاں دی ہک سکی شرماں جیرھی وساں دی وڈی بھین ہی نال تھیا ہا۔ اتے اے شادی عشق دے لاگ کنوں پاک ہی۔ بی بی شرماں وچوں ہک پتر غلام سرور ہا۔ شرماں دی فوتگی پچھوں ڈوجھا نکاح دی کیتا ہانے۔

آپ ہوریں فطری طور تے آزاد منش اتے قلندر صفت آدمی ہن۔ سرائیکی شاعری دا ایہ دور خواجہ فرید علیہ رحمۃ دا دور ہا۔ بھادیس جو سرائیکی شاعری بیاں صنفان وچ وی لکھیندی پئی ہی، پر خواجہ فرید ہوراں دے اگوں سرائیکی دے بے شاعر بے حقیقت تھی تے رہ گئے ہن۔ کیوں جو ایہہ کافی دے شاب دا دور ہا۔ خواجہ فرید ہوراں ایں صنف کوں ترقی ڈے کراہیں فنی اتے فکری اچائی تے بچایا ہویا ہی۔ ہیں گالھوں ایندا منطقی اثر ایہہ تھیا جو نکاوڈا شاعر آپٹے ویلے دی ایں مقبول شعری صنف کنوں اثر قبولیا اتے ہیں صنف وچ طبع آزمائی کرن لگ پیا۔

ادب دے ایوان وچ ویلے دی ہکا ای اچی اواز اُبھردی۔ اوں سویاں بیاں اوازاں جھکیاں پئے ویندین۔ اتے کجھ دیر بعد اوہی وی ختم تھی ویندین۔ ویلا ہوں فنکار کوں اپنے سرائیکیں تے بلھیندے جیر لھا خود کوں بیاں کنوں نکھیڑواں اتے منفرد کر ڈکھاوے۔ جیندا ادبی قد کاٹھ اپنے ہمعصران کنوں نکلیا ہویا ہو دے۔

وقت دے نوکلے فنکار دے مقلد ویلا گزرن ڈے نال نال خود بخود مک ویندن اتے انہاں دے فن دیاں لاٹاں مدھم پئے ویندین۔

خواجہ فرید ہوراں دا آپنا نوکلہ رنگ ہا، منفرد اسلوب ہا۔ انہاں دی بہوں ساری شاعری دا خلیت دا اظہار ہی۔ اتے تصوف انہاں دا خاص موضوع ہا۔ انہاں دی ڈٹھاڈ ٹھی سبھے ہم عصران ہستی اتے موضوعی اعتبار نال خواجہ ہوراں دی تقلید کوں ای فن دا کمال سمجھ گدا۔ اتے کافی اوں اچائی تے ونج پچی، جیس کنوں اگوں ونج ڈے سارے رستے مک ویندن۔ جذبہ، اثر، سوز گداز، تصوف، سوہنیاں تشبیہاں اتے دل چھکویاں ترکیماں اوں ویلے دی شاعری دا سنگھار بن گئے ہن۔ قلبی وارداتیاں کوں استعاریاں، علامتاں، تلمیحات اتے کنایاں دی اوٹ وچ پیش کیتا پیا ویندا ہا۔ گویا خواجہ فرید ہوراں دا انداز عصری ادب دی روح رواں اتے نچاٹ بن گیا ہا۔





ہر شے ایویں نہ پھیری گردن مالک دے فرمان کنوں  
 مجوں دی بے چینی دا نقشہ انہاں لفظاں وچ چھلکے نے۔

سن گالہ نہ پھر جواب ڈیوے سڈیلیا نام پکار کرے  
 ایویں شام و سحر ہن یلیا یلیا نا کجھ بیا اظہار کرے  
 کل کپڑے پاڑ برہنہ تھیا، گل بے شری دا ہار کرے  
 بھج نکھتا پاہر شہر توں مجنوں گردس جنگل بار کرے  
 بہہ اپنے حال سناوے دل کوں نا کوئی پیا غنوار کرے  
 کھڑ مارے کوک کوکاراں مجنوں جاں جاں بدن ازار کرے

آپ دیاں کافیاں دے ڈوں مجموعے ”شعلہ دلسوز“ دے ناں نال چھپن۔ انہاں کافیاں وچ خارجیت  
 دی بجائے داخلیت دا ڈھیر اظہار ملدے۔ لفظاں دی چٹت، ترکیاں دی وٹت، تشبیہاں اتے استعاریاں دا  
 درنارا اتے نکھریا ہویا اسلوب انہاں دی انفرادیت دا ثبوت ڈیندن۔ کافی دے اے شعر ڈیکھو۔

لگی جڑ نوک جادی ۛ  
 نہ اتھ کوئی جا دوا دی ۛ  
 اوہے جھنکاں اوہے رولے  
 مٹھامنہ کر کے نہ بولے  
 لکھاں واری بہنم بھولے  
 قسم اوندی ادا دی ۛ  
 میڈا کوئی حال نہ پھولو  
 تھیا تن چاک نہ تو لو  
 اوندے وچ جے رتی بگولو  
 نہ بالکل کئی وفادی ۛ

کہہئی کافی دے کجھ شعرا ایں ہن۔



سدا دلدار دو ویساں  
 نہ بے اغیار دو ویساں  
 آیم صورت ایہا کرتے  
 رہاں نت یار دے درتے  
 ڈیساں جندڑی اتھاں مرتے  
 نہ دل گھر بار دو ویساں  
 نہ منہ بولے نہ دل ڈیکھے  
 ایہے ہن شوخ دے لیکھے  
 بُجھن نت ساہوڑے پیکھے  
 نکل مَنج بار دو ویساں

نوروز ہوراں آپنیاں کافیاں وچ قلبی واردات اتے معلومات عشق پہوں واضح انداز وچ بیان کیتیں  
 - کافیاں وچ مجازی عشق دا رنگ غالب اتے بتا رواں ھ - جذبے دے تادے نال نال لفظاں دے صوتی آہنگ  
 دا خاص خیال رکھئے نے - مترنم قافیے اتے رواں بحر انہاں دے شعری اثر کوں ودھاڈتے -

جیویں جو پہلے ڈسیا گئے نوروز ہوراں دا خاص میدان ڈوہڑے ہن - آپ دے ڈوہڑیاں دے مجموعے  
 'ڈوہڑہ جات نوروز' دی آپنی ہک نکھیرڈی حثیت ھ - جیڑھے ندرت خیال 'شکوہ الفاظ اتے اظہار جذبات  
 دا اعلیٰ نمونہ ہن - گویا انہاں دیاں ساریاں فنی خوبیاں ساکوں ڈوہڑیاں وچ مل ویندیں - نمونے دے طورے  
 اے ڈوہڑے ڈیکھو -

مُونجھ محبت متراں والی کیتے حال فقیرن ' بدن زہیرن  
 سٹ کے طعنے مہٹیاں دے ہر پاسوں لگدے تیر ہن ' لوک شریر ہن  
 زخم پرانے ڈکھدیں ڈکھدیں تھی گئے دا من گیرن ' وقت اخیرن  
 مینہ ساوٹ دھرتیاں تے کیتے نیر و نیر ہن ضعف شریر ہن  
 جے ڈوکھے نوروزن ساڈے پھاتے بے تقصیرن ' گل زنجیرن

بادل اے ڈوہڑا پڑیکھو۔

سارے جگ وچ پھکیا ساکوں تیڈی یار محبت  
سے بحر تھل مار رُلایا کرلاچار محبت  
اینویں جگل وچ بکیر گھتیو نے گھتیا مار محبت  
ہک ہک در دی خاک تھیو سے اینویں خوار محبت  
نوروزا منصور جہیں سے چاڑھے دار محبت

الفرض نوروز ہو ریں آپٹے جذبات دے اظہار واسطے جیر مہادی سانچہ ورتے اوہ اپنے طور تے مکمل تے  
پہواں اتے موضوع دے مطابق زبان تے بیان دے سارے تقاضے پورے تھئے نظرون۔ او اپنے ویلے  
دے ہک جرات مند، روایت شکن اتے منفرد اسلوب دے شاعر ہن۔ جنہاں دیاں متعین کیتیاں ہویاں شعری  
روایتاں بعد دے آوٹن آلیاں واسطے مستقل ادبی تے فنی روایتاں بن گیاں۔



## *Saraiki*

the language of one fifth of the total (114 million) population of Pakistan. Its home, Indus Valley, is situated in the central part of Pakistan. This regional language is, therefore, unique in the sense that it is spoken and understood in all the provinces of the country. So it rightly claims to serve as a bridge for mutual understanding and harmony in national affairs, tastes and interests.

By promoting "Saraiki". Saraiki Adbi Majlis is, therefore, contributing with the nation of national glory, and we are proud of it.


New era of activity has set in with the advent of M.A. Saraiki course of studies at Islamia University, Bahawalpur (Sep. 1989) and transmission of "Rut Rangilari", a Saraiki programme from Lahore T.V. Station (April 1990)

We are yet trailing 30 years behind other regional languages such as Sindhi, Punjabi, Pushto and Baluchi.

**News Bulletin in Saraiki on T.V. Screen is the just demand coming from the majority and reputed sources should very kindly be granted as a right.**



# روسی دے ڈو منظر



**IN MEMORY OF THE LAST CROWNED RULER**



**Ala-Hazarat, His Highness, Nawab Alhaj General  
Sir Sadiq Muhammad Khan Abbasi-V**

**(G.C.S.I., G.C.I.E., K.C.V.O., LL.D., N.Q.R.)**

**Bahawalpur State**